

國朝詩鐸



10142

國朝詩鐸卷二十三

錢唐張應昌仲甫選輯

國朝詩

卷二十三

風俗

秦鏞四誠詩見勸民門

商盤江右紀風詩分見別門

都梁山 化民俗也

朱 頴

武岡接蠻域漢時國都梁晉武分置縣厥名曰武剛自古好鬪狼梁代改武强峰形左右峙武岡稱自唐公綽平蠻碑高文繡鸞鳳宋復升爲軍州治於以倡巖洞紛相錯雜處亦跳梁攀嶺捷後狄佩刀肆披猖邇來漸化國朝詩鐸 卷二十三 風俗 一
久無敢管蛙螂高隴布麻麥低田栽稻秧蠻歌聽侏儻天籟調宮商其俗樸而儉可以保富穰其性直而贖可以免譴張尙氣頗堅確好義頗激昂一言不肯食質實無他腸中有衣冠士云登鼓篋堂衆人豔且羨悔不師文章獎掖若有術儼然君子鄉此理如驅雞此政如牧羊去善善乃安深山成虞唐

朱陳村歌

吳壽宸

樂天曾賦朱陳村我今更覩朱陳民相違千載生苦晚昔聞未信今見眞衆人且莫囂聽我歌朱陳我來正逢二月春桑麻滿野青鋪茶機梭軋軋響中屋牛驢砧砧

行平原山深縣遠風氣古女脩織經男鉏耘兩姓締好
傳世婚舅弟甥舅情頗殷有酒皆家釀有肉皆圈豚黃
雞白菜各歡會相要醉倒田家盆年高似飲菊泉水客
至喜逢桃花源不羨估客樂豈肯了從軍死徙無出鄉
况乃生與存我也暫行役不久還鄉粉青鞵布鞵甘我
貧不信但看村中人

高齋
務戲園

蔣士銓

三面起樓下覆廊廣庭十丈臺中央魚鱗作瓦蔽日光
長筵界畫分吟疆僮僕虎踞豫守席主客魚貫來觀場
充樓塞院簪履集送珍行酒傭保忙衣冠紛紜付典守
國朝詩錄 卷二十三 風俗

酒胡編記皆有章礎刀過處雨毛血酒肉臭時連土商
臺中奏伎出優孟座上擊磔催壺觴淫哇一歌衆耳側
狎昵雜陳羣目張雷同交口贊歎起解衣側弁號馭將
曲終人散日過午別求市肆一飯充饑腸我聞奢者示
儉有古訓情游侈逸不可無隄防近來茗飲之居亦復
貯雜戲遂令家無儋石且去尋旗槍百日之嗜一日澤
歌詠勞苦歲有常有司張弛之道宜以古爲法毋令四
民一一皆若狂

高齋
樂府 南詞

又

三絃掩抑平湖調先唱攤頭與提要高談慷慨氣蘆豪

細語纏綿發忠孝洗刷巫雲峽雨詞宣揚卻月披風貌
冠纓索絕共歡譁玉筋交頤極傷悼密意感人最慘悽
談言微中真神妙君不見杭州士女垂垂手聽詞心動
鸞鳳偶父母之命禮經傳私訂婚姻小說有

和熊蔚亭方伯虎邱覽俗詩

原詩以吳俗治遊富商大賈糜費而無業

貧民口食有賴蓋有爲而作也因和之錄

祝德麟

虎邱名利占青峰寺外山塘七里衝百貨市廛如海幻
三春游女比花濃珠樓繡閣憑空起錦纜牙檣逐處逢
不是揮金買歌舞慳囊豈易溉吳儂

賦罷吳趨賦狹邪十干美酒百干花朝朝暮暮歡蹤續
國朝詩錄 卷二二三 風俗 三

歲歲年年治興餘但使閭閻無凍餒未妨風俗習豪華
游民萬指閒田少何處催桑更勸麻

吳錫麒觀燈行見奢侈門

吳趨行

程際盛

吳中實名都佳麗古所誇閭闔連雲起邑里紛喧譁飛
甍夾馳道耀彩浮朝霞高門盛豪俠大戶矜繁華遂令
民俗媮醜譙窮驕奢至德仰遺徽山水清且嘉文學播
遐邇禮讓敦其家所重在返樸永言戒浮夸懷古思土
風遠望空咨嗟願詠山樞詩黽勉思無邪

陳聲和北行樂府

琵琶女鼓兒詞

見倡優門

吳趨行

吳翌鳳

吳趨佳麗地長洲冠蓋區雕甍壯華屋鮮珪照路衢清
歌憐趙女錦帳陋齊奴珍肴不知名酒上正豐腴甯知
窮巷士時作庚癸呼車馬何方來挾持一何都白壁千
黃金瑟瑟大秦珠公孫崇節儉此物非所須脫粟及布
被皆言與人殊

樂鈞嶺南樂府分見各門

洪傷侈俗

羅安

物力有盛衰世風有今古後輩不復知聽取老人語老
人生長洪州村兒時所及猶能言爲言洪俗本近古自

國朝詩錄

卷二十三

風俗

四

來土瘠兵燹繁戍已變後創初復父兄力穡子弟敦車
器服物有典則婚姻戚故無繫援客至酒三巡不厭老
瓦盆果蔬隨時具笑語一何溫歲時慶謁只羸服寸絲
不上腰體祥但見華裾盛裝爭夸耀彼此駭怪不欲相
齒論邇來風俗頗異是太平日久漸奢靡耕夫紅女誰
憫勞坐享租稅長驕侈尋常作會動萬錢山珍海錯羅
都市卜晝卜夜恣號呶飲食糜費若流水牆屋被文繡
臧獲飾紈綺泥土視珠襦練素輕敝屣愚夫效尤不足
訶儒生從衆胡爾饗奇淫忘所誠舉世同波識者
鄙昔聞儉爲德之共高曾遺矩在孫子是誰開導淫巧

門國純民登端由此何人爲陳風俗書使唐魏民還淳美

陳文述吳門燈船行見奢侈門

羨趣吟男工繡

孫源相

錦繡纂組害女紅於今此事兼傷農終年荷鋤不得飽
不如穿鍼易見巧穿鍼勿學縫衣裳入時學繡雙鴛央
垂髫男子十四五列坐紅窗靜如女爲他人作嫁時衣
素手偏工壓金縷繡袍五尺春雲疊抖擻香風消百摺
美人玉立稱腰身拖地長裾學華屣四圍蝴蝶珠穿成
十戶中人衣一襲交龍鬪鳳色淺深聰明費盡男兒心

國朝詩錄

卷二十三 風俗

五

閨中一度春風著二月功夫弄繡鍼繡鍼眼無一黍大
賴此全家衣食過家中姊妹畫雙蛾妝成袖手終朝坐

蠶螟蛉子

斤亂宗也潮人以丁多爲強乞養他人子非獨單門然也甚有貌爲鞠育包藏

禍心者更多故矣異姓亂宗功令宜斥

黃安壽

螟蛉子多奚爲曰以保族撐門楣老無兒嗣厥後吁可
怪九子母傷人抵罪李化桃平時豢養回家牢給貲行
商涉洪濤割蜜飼蠟酬其勞性命謬相託恩義良已薄
一朝反脣乃交惡此孽由來君自作

凡訟養子不肖者指爲螟孽

服妖

夏之盛

俗尙傲困人心服之衰心之淫始自冠履及衣衿維鷄

在梁誰與吟解爾非隸回紇爾帽胡上銳爾非從戎

事爾衣胡短袂金沱木兮乃生戾解夾衣荷花紅單

褶茄花紫道途屬目不知恥甘自覲顏學女子解

高諫 齋闈將

元璟

南京風澆多辣子北京俗悍有闖將甘心作孽行狹斜
大膽過人逞伎倆褻裘乘月喜莫當被酒攔街怒無狀
嗚呼安得都護丁還使閭閻皆揖讓

祭祀

江表 省祠堂 南昌人在鄉者多建宗祠於省藉作舍館
祀者居之自此故家廢宅出售幾盡而遠

客稅駕之地稀矣亦一敝習也

商盤

國朝詩錄 卷二十三 祭祀

六

南昌十萬戶聚族處四鄉如何省會區建此昭穆堂豈
盡霜露感徒滋雀鼠藏訟凶古有訓講張難具詳遂令
俎豆地翻作軍旅場故居神所依妥查安可忘

廢祠歎

陸玉書

前人尚義重報本後世僅能存大略甚且因之起爭端
良法美意變澆俗越人忠厚念本支一姓同居成村落
中營大廈為祠堂更以良田綿嗣續每值春秋祭享時
子孫列拜序昭穆量入為出定豐儉饗畢按名分祭肉
瓜瓞縣延終不紊善哉敦本兼睦族豈知日久弊自生
侵蝕有人入私橐始因缺乏偶移用久乃遂巡竟潛鬻

遂致合族動公憤家法不行煩案牘官呼兩造曉大義
婉轉開陳代敲扑子孫相校有親疏祖宗一視無厚薄
彼雖不肖公產侵爾須明義宗支篤後代子孫誼克敦
地下祖宗心亦足薄罰聊爲示小懲傷和必致爭端伏
聽者俯首無可言退商復墮他人局藉口族衆恐效尤
必欲官爲嚴訊鞫致令一本成仇讐公產徒然日賸削
侵者之咎固難辭訟則終凶何苦澆久之各自抱主歸
祭祀家家從此獨春露秋霜孰致思祠堂空鎖巍峩屋
可憐青青茂草中新鬼淒涼故鬼哭嗚呼祖宗始意豈
及此人心不古乃反覆我爲太息作長歌孝子慈孫同
國朝詩鐸

卷二二三 祭祀

七

展讀

婚嫁

嫁女詞

蔡氏妹嫁女于吳孤貧困艱辛百倍而婉婉柔順之教有素爲之賦嫁女詩

徐倬

哺燕終離巢養女終離孀萬蘿豈無根因依松柏長時
俗重婚嫁貧富各相當富家嫁女易羅列紫鴛鴦貧家
嫁女艱牽犬出東廂耀首飾明珠不如荆釵光明珠來
海底荆釵取路旁道遠富能致物微貧難將三更秉機
杼五更織流黃織成絲千縷一縷一迴腸銀燈理刀尺
裁爲羅襦裳衣服穩稱禮噴噴羨新粧誰知絡緯聲夜

夜啼寒螿嬌女頭。上花阿母鏡中霜。嬌女足下履阿母
手內瘡。鹽鼓充素盞。詩書滿竹箱。執卷相夫子。調羹奉
姑嫜。堂前拜慈訓。淚落幾千行。留兒伴娘影。兒去娘空
房。牽衣還繞膝。出戶更徬徨。此時母子意。惻惻向河梁。
河水深可測。苦意密難量。孔雀徘徊飛。驢馬躊躇鳴。嬌
女升車去。阿母迴中堂。中堂孤桐樹。葉葉自低昂。蛺蝶
飛相並。芙蓉花蒂雙。獨有娶婦家。百年歡未央。

嫁女詞

朱彝尊

嗚嗚重嗚嗚。鴛鴦隨野鴨。誰家可憐窈窕娘。容顏精妙
意難量。大姑生兒仲姑嫁。小姑獨處猶無郎。媒人登門
國朝詩鐸

卷二十三

婚嫁

八

教裝束。黃者爲金。白者玉。阿婆嫁女重錢刀。何不東家
就食西家宿。

重財婚

邵長蘅

古人重嘉耦。今人重財婚。儷皮風已遠。茲義誰能敦。况
乃吳俗奢。媒氏費較論。既須計錢帛。亦復矜高門。西家
昨聘婦。千金光爛爛。統綺三百匹。文采何爛爛。東家昨
嫁女。資送紛繽繽。緞襪冒箱筭。流蘇綴琅玕。五釵大秦
珠。直可千萬緡。錦繡照塗巷。光彩溢里隣。夫婿承咳唾。
公嫗大歡欣。亦有貧女嫁。蒼簪青布裙。三日向暗壁。低
頭減容顏。富女易驕妬。貧女淑且溫。富女熏香篝。貧女

井臼勤胡不比較論富女不如貧

顧嗣立城西嫗篇見婦女明

新婚樂

寶應俗女子許字必責厚幣而後遣婿家貧輒相持過時有年至三十未嫁者邑令

熊君至令隣里相舉報貧者出俸錢助之違則罰其父兄一時怨女曠夫遂有室家之樂余過其地謠歌載道爲作是詩以備采風熊君名會玠安慶人

張鳳孫

新婚誰最樂相看各盛年
何蹉跎六禮貧難全
婚姻薄俗計財帛兩家媒
灼多責言三春桃李開
復落一綫翻悔紅絲牽
前年令君來下符責隣里
嫁女勸及時否者且罪爾
貧來告我我給錢添汝一簪兼一履
滿城燈火刀尺忙釵荆裙布催
新粧鏡臺不用求溫郎
犢車國朝詩錄

卷二十三 婚嫁

九

一兩相迎將三星在戶夜未央
熒熒花燭村酤香十年幽怨今始償
上堂拜舅姑回家拜父母
低頭問兒夫還拜令君否
令君慈惠天下無
完爾家室圖爾居
爾居安貧勤作苦
生男長大記熊父

敬
詩
買寶髻

顧夔璋

買寶髻嵌珠冠置婢媵飾粧奩有錢竭筐箱無錢棄莊
田母家不留青玉案婆家還索金臂纏一時道路誇嫁
娶前羅旗幟後僕御百子輿中百媚姝繡圍錦幄眞豪
富誰知紈袴易中落一擲千金頓蕭索昨朝著羅襦今
朝縛短襦前作太倉鼠今嗟餅粟脫百兩相將二姓窮

只因婚嫁過求豐論財况復古人戒胡爲世俗羣相從

固原 閻氏女

完人節也

爲固原吏目張傳心作

蔣士銓

翟家娶婦閻家嫁女花筵賓客洞房前簫管聲和卮共
舉哭聲不是尋常聲就中官爲側耳聽窮究婚姻得其
故擲盃大罵四座驚馬三之妻豈可奪羅敷况恥桑中
約寬爾鞭笞罰聘錢反踏天河半橋鵲馬家忽慶鴛鴦
飛翟氏空房笑變悲扶植人倫官有爲有爲不在官崇
卑

前題和作

周有聲

前堂羅酒尊後堂爇明燭官人下馬來主家歡不足開

國朝詩錄

卷二十三

婚嫁

十

筵宴客客勿譁主人得婦顏如花錦屏台昏障春晝金
杯激盪傾流霞哭聲忽出重幃下哀哀不似悲新嫁鸞
鳳誰憐玉鏡分鴛鴦恐向青陵化官人聽事能聽聲何
况淒酸聽此聲當筵動色便相問威斷不能撓強民閻
氏女馬三婦翟家豈合稱佳耦黃金不惜買陽春白璧
安能著癡垢銀河浪靜無行露鵲橋重喚天孫渡紗籠
夜照玉人歸官人上馬從容去

吳趨 新嫁娘

孫源湘

東家娶婦西家空巷南巷北花幡紅前頭笙歌喧兩部
錦蓋如雲從如雨鏤金錯采五十箱羅紈綺縠裁種菴

紫金步搖九雛鳳白玉條脫雙文鴛小珠玫瑰色大珠
明月光珊瑚寶石文犀瑪瑙一一填中央光彩照里隣
奢華壓郡縣瞳目走僮奴交口譽親串上堂翁媪大喜
歡新婦下拜翁媪蹙蹙不安母雞鳴起母供棗栗餽醅
酒醴中饋米鹽不得屑屑勞爾爾自有鏤金錯采五十
箱開箱羅紈綺縠香紫釵玉釧十二行大珠小珠珊瑚
寶石文犀瑪瑙一一填中央

源湘又有吳趨鸞女篇見婦女門

吟貧家女

周瀛

古人重婦德不聞聘豪家豪家女嬌癡坐矜顏如花羅

國朝詩錄

卷二十三 婚嫁

二

綺累箱檀脂粉遺泥沙盛飾壓親串妄自服六珈破產
不足惜破義乃足嗟何如貧家女淑質洗鉛華堂上供
旨髓佐夫儀柔嘉姆教甘食貧十指紉窗紗上緬賢媛
風鴻案而鹿車胡爲議婚者惑溺門楣奢。

閒居雜詩

陳光緒

入城買釵鈿渡江買綺繡問渠將何爲嫁女已及候薄
俗重厚奩以此密婚媾豈無有餘家女多家亦瘦。婿家
不必貧女家不必富但視力所能百備不一漏嗟哉爾
何愚甘以奢靡鬪嫁女盡嫁金。母乃計太謬不見劉羅
妻裝遣散親舊

武林
簪賣花婆

陳春曉

賣花婆秋娘雖老眼尚波時世梳妝街上走娉婷娘娜
蠻腰佻生來出入朱門裏春風笑臉家家喜賣花能得
幾文錢且爲月老全憑藉東家女顏如花西家子才堪
誇瀾翻舌底如簧口願作良媒定不差主人有女求郎
早聞言道汝牽絲好一紙紅牋往復還三生秦晉諧偏
巧酬汝酒酬汝金難得花婆一片心誰知彩鳳隨鴉度
遇人不淑遭摧挫誤我明珠掌上拋彼婦之言堪面唾
好姻緣變惡姻緣賣花婆又他家過

又擺嫁裝

又

國朝詩錄

卷二十三

婚嫁

三

東家娶婦樂西家嫁女忙二年刀尺縫衣裳十年珠翠
積盈箱天孫雲錦何輝煌珊瑚七尺長復長金雕玉琢
百寶裝實朋嘖嘖誇滿堂女兒深閨苦不足阿母添箱
問所欲門外乞婆來瑟縮主人詈罵門者逐乞婆來前
致詞自言本是豪家女曾憶當年初嫁時花團錦簇亦
如此遇人不淑旋傾否手揮百萬烟花裏今朝行乞到
君家願得青銅一錢耳主人聞言怒益張揮之使去吝
弗償大呼排筵速舉觴

又鬧房

又

賀新郎賀新娘新郎新娘嬌羞在房少年作鬧何輕狂

戲謔爲虐殊荒唐劉楨平視苦不足適于執手如相忘
橫陳三兩合歡牀鼯臥蠹倒角枕傍蓼蓼街鼓夜未央
客且歸去明星燼蘭闥深鎖雙鴛鴦銀釵斜背解明璫
用低聲小語話正長畫眉之事只尋常豈知屬耳在紅
牆曉來調笑看新妝畫開房夜闌房主翁無語坐畫堂
意取熱鬧兆吉祥亦有惱羞成怒忽參商此風可笑沿
餘杭

嫁粧

王文偉

越人重嫁女貧富分兩途富家衣飾易巧匠登門俱烏
雲壓金翠尤貴明月珠貧家連夜製銀釧紅羅襦急貽
國朝詩鐸 卷二十三 嫁嫁 三
券數紙旋割宅半區恐被衆親笑體面爭斯須最憐結
秦晉必欲援崔盧此猶燕新乳彼或牛垂胡有時佳婿
至雞肉羅庖厨館師餐飯薄能分一簋無

婚嫁

吳世澗

新婦堂前拜阿翁一身債女兒一頭珠阿翁百石租習
俗使之然諺語良非誣東家有長男衫屐翩翩度聘錢
苦難貫三十猶未娶西家有老女幽閣鬢雙眉金奩苦
未備于歸知何時女生願有家男生願有室奈何百年
事爭此一朝節十家九無成成家已貧嗟哉兒女累
仰屋空生嘖婚嫁苦不速胡爲狃習俗不聞桓鮑家短

衣共挽鹿

古聖制典禮凶嘉不相假麟經讖納幣矧乃事婚嫁喪

娶並聽離先朝法毋赦期服而成婚識者猶驚訝嗟哉

吾越俗荒親事可咤厥親遭危疾厥子迎婦死名之日

冲喜飾語一何詐更有親初沒秘喪事迎迓堂上肉未

寒堂下輿已駕哭者方在寢賀者旋盈舍豈意衰經中

吉服暗姻姪豈意泣血辰花燭問良夜厥風沿自宋遺

俗久未化至今人土家紛紛相蹈藉惜財費有幾喪禮

罪難貫嗚呼爰倫鞞沿沿方日下太息作歌詩茲事何

國朝詩錄

卷二十三 婚嫁

時罷

邵梅宜薄命詞 見婦女門

何桂枝悲命詩

喪葬

蒿里變

徐倬

敲啾啾弦逢逢東鄰西鄰耳震聾豪家蒿里事不同麻

衣榛杖恣肉食琵琶箏笛箏篳篥帷中名紙千張肆遠出乘

軒負販來如風堆山縑帛歸筒篋伸頭還望麥舟公可

憐磨鏡生芻客質衣脫袴歸船空細腰小兒如黃蠶醜
金奔走城西東西城又有烏衣族蚤上招魂晚就木間
白衣冠幾輩來靈前一個青蠅哭

周士彬石槨行見富貴貧賤門

地師

劉青藜

北邙山下鬼夜哭地師地師爾何毒膏脣歧舌太張皇
爭夸富貴由朽髑寅年下葬卯年發唾手蓬門換華屋
死者停柩謀佳城既葬發掘更相卜魂驚魄散骨骸析
西移東遷徧厓谷鵲巢鳩處紛爭奪連枝同氣競反覆
三公豈盡折臂人九原何必眠牛域餘慶餘殃固有由
得馬失馬誰為福寄語孝子與慈孫莫信人間有郭璞

洗筋行

江西惑地輿南贛尤甚親葬二三年掘洗
骨紅還故塚黑收新阡逾年復爾名曰洗

筋亦曰檢筋今丙寅夏憲
司張師載奏其事禁之

陳梓

國朝詩錄

卷二十三 喪葬

五

筋何人筋汝二人洗何人洗汝兒孫紅者還故冢黑者
營新墳新墳新色不轉紅再遷再洗無終窮紅紅黑黑
究何憑黑且達官紅作僧天良蚤盡夷地理將何徵君
不見南安九十九曲水紋縹胡爲產此紛紛食命獸巔
州亦有鳳皇池生此叢叢啖母鳴愚民但說郭璞好郭
璞頭顱赤如寶銜刀廁間身不保

江右
紅者
悲陳死人也
贛吉愚民葬其親
隔歲一發
紅棺檢金
驗骨黃乃掩之
白則遷焉故有屢易其地
終不封

植者

商盤

檢金黃家之祥檢金白家之索檢金不已荒冢屢徙設
崇置巒山之麓舊鬼愁煩新鬼哭月落林深漆燈綠

路山龕 息地訟也

宋 頴

我昔讀周禮家人著遺篇但云營北域族墓必相連葬
日有定制未聞吉凶遷青烏創何人乃以誣高賢景純
精易數拒敦生乃捐忠義自不死何必假神仙金山拍
天浪卜穴豈其然崇齎哭汾陽母乃名實懸後世規利
者其說多狂顛苟求富與貴左券操牛眠延師破巨萬
停柩累十年兄弟不並隧父子不同阡紛紛起爭競械
鬪多累牽破額投訟牒匍匐公庭前一獄久不決橫飽
胥吏錢家業蕩然盡其愚真可憐死者尸委露生者突
無煙不孝莫大是何有福祿緣我歌路山龕聽者涕泗
國朝詩錄 卷二十三 喪葬

六

漣陰地願勿擇曷爾擇心田

盲婦葬親篇

汪 沆

人子之事親卜葬事乃已如何今之人慢葬昧於理邪
說惑地師遷延歲月駛一棺寄郊原淺土久忘矣期愆
禮經誅律背我 皇旨憤彼風水書一炬烈禍止陸家
有盲婦少瞽不得視辛苦習彈詞素髮盈垂耳鬱鬱不
伸眉默默不見齒問婦何所憂清淚落如水三棺不克
葬抱恨入地死聞者憫其情釀錢忽填委畚築雖草草
猶勝風雨毀揮汗赤日中營葬在六月埋骨橫山裏盲婦嗟
何人我詩木鐸比

瑞金喜訟而惑地理陰謀侵逼有禍連數十年未
息者爲詠是篇

郭廷翁

謾謾澗底松搖搖嶺上柏中多邱與墳閱盡幾過客墳
頭無銅牌道陌無墜石世遠罕子孫觸骸誰能識東山
一丈土西隣爭一尺朽骨不能言任爾呼甲乙不謂陳
死人懷有古刀筆宋元舊文書模糊朱印漬詎此奇貨
居黠者乘其隙獄訟此繁興滋蔓無終極幾傾中人產
爭之復何益人生歸大暮安得萬古宅不見古帝陵臺
殿亂荆棘漆燈見人間玉璽有時出何況閻閻兒萬分
不及一肆彼陰虛險僥倖圖饒蝕誰謂無天理而謂此

國朝詩錄

卷二十三

喪葬

七

地發爾之祖與父與爾眞一脈坏土何恩怨酌水何疎
戚年年掃墓來各保毋旁惑且勿忽樵蘇等閒腰斧入

臨喪篇

金 姓

孝子哭方哀弔者顧大悅措語似非倫竊疑孟子說眞
性有時現疑義一朝決吾枕舊喪禮中外同慘切詎能
終日慟哀固有其節但隨賓進退稽顙輒哽咽正使淚
暫乾長號亦無輟用假愧亂眞猶勝禮全缺不知何年
起此響遂中絕總帳祇空懸寂若芻靈設我歸初見此
太息氣爲結其來誠有自何意染吾浙今朝到喪次觀
聽乃殊別號咷良僅見庶不負纒絰余心亦增痛痛已

喜欲啞舊禮冀終復譏彈盡滯雪

懶俗二首之一
火葬詩

吳文暉

世人執喪用浮屠吹螺擊鼓聲謹如親朋嘖嘖交歎息
有子如此死亦偷樨幢導前行靈輻從後舉相送歸山
阿未暇封尺土仍用浮屠茶毘法謂令死者得入西方
伍長者鑿短者斧擲毀棺開速厝火赫然焰起如流虹
驚魄暗泣生悲風高天暗慘亦垂憫嗟爾人子甯無恫
須臾燼滅人散去殘齒飄零委霜露饑烏啞啞飛下樹

次散
詩 宴白客

顧夔璋

宴白客釀麴藥濡肉乾肉几上列讀禮無人問齒決戚
國朝詩鐸

卷二十三

喪葬

六

引戚來賓延賓主人不識是何人促席卷波復叫號孝
堂搥戰喧四隣酒熱脫去頭上布載歌載笑爵無數呼
盧喝雉聲嘈雜稍不如意徑嘔怒帷中不暇泣柩前酒
未慙惟此延客歡不敢稍吝惜白馬素車賻漫來蒿里
薤露唱何哀只因難供白客宴多少停輜不得埋

又 演靈劇

又

演靈劇伊何闕冥親柩當泣血雅樂何堪供幽咽已將
萊采換縷經云胡素旄飛郢雪賓朋雜沓男女諱笑聲
翻把哭聲遮不情絲竹攪魂魄靈龔路鼓手空擗此時
棺中幸瞑目任爾游戲貽親辱倘教令威化鶴歸恐依

華表添憂覺爲人子者縱非賢至性如何敢棄捐君果
破涕能爲笑坐客何難悲變歡

一 害冢

蔣士銓

閩客多盜葬鉛山無完墳長鑱斲前和鉤骨如探丸拋
棄不知處藏魄成游魂櫻包納其骸安寢前人棺墓前
立假冢拜掃滄僞眞鑿石埋深山使長莓苔痕乃造買
穴券倒註年月向舊尹新尹聞竊用官印文可憐麥飯
香不辨誰兒孫及覺而互訟官視皆等閒十訟不一結
結亦非所論罰金買尺土姑令瘞者安豈知謀時心已
拌囊中錢或予管杖罪受之顏欣欣敢惜敲撲細易此
國朝詩鐸 卷二十三 喪葬 九

牛眠眞土人失先壟飲泣寃莫伸安得良有司噓風掃
浮雲凡有盜葬者刻期開墓門遷之不待時鬼魅難遂
巡誰非斯人子罔恤戕亡親盜葬苟不理之苟不遭
謹罰及有司庶策愴者惜君子有四端側隱資賢臣

士銓又有三善詩之一見善政門

北邙山行

吳錫麒

朝望北邙山其下有車馬紛紛白衣冠云是會葬者豐
碑螭首高屹雲不知諛墓何人文白楊樹下悲風起故
鬼啾啾語新鬼幾家寒食奠烟燧幾處宿草眠牛羊華
表不歸千載鶴今古聚成一邱貉君不見炙手可熱勢

絕倫一朝棺翼纏其身門生故吏各自去誰是墳前下馬人。

巖 獬豸首斑

傷停棺也

客通州作

趙懷玉

狸首斑澤如沐一棺未埋一棺續漆闇塵疑同露宿吾聞古人未葬不入官葬苟踰期不除服胡爲遺殯淹歲時了又生孫若罔知富者常稱地難得貧者復謝囊無貲君不見西鄰昨夜火連屋孝子哀哀抱棺哭一炬難將百身贖

南山北山行

吳昇

南山北山兩峰高春風吹滿青蓬蒿中有疊疊古墳墓

國朝詩錄

卷二十三

喪葬

于

野狐蹲踞猿悲號古墓疊疊新臺少殯宮何處埋幽草荒原不信一坏無日日靈車出城早靈車鼓吹送城隅卻向黃泉結做廬不見佳城歌鬱鬱居然夏屋詠渠渠黃昏啾啾鬼相語春露秋霜仍野處故鬼驚心風雨侵新鬼咨嗟無葬所薄俗紛紛說地師青烏三卷問誰知欲把遺骸卜榮貴忍將朽骨置漂離漂離不顧情何忍搜索翻令媼神窘越角吳根相度頻山巔水浹蒐羅盡足趺鞵穿數十春相看又作白頭人一朝抱恨長辭去也向荒郊卜比隣子旣不能葬其父孫亦何知念厥祖世間幾許有錢人可憐無分埋黃土感此爲君涕漣漣

與君試步南山前，但見山前築土起新阡。山後荒塋平作田，墳頭跽跽犁起土三尺。哀哉白骨查牙道旁擲，須知此冢當年新築時。也曾不惜黃金費千百。

正風水

陸玉書

仰以觀天文，俯以察地理。古聖闡精微，後人誤風水。聽信堪輿言，吉凶惟所指。一心博富貴，百計辨臧否。豈欲報罔極，微福乃如此。富陽俗尤甚，積習不可已。因之多訟爭，案牘常壘壘。昨者俞氏族，畔因遷葬起。必求官履勘，親泣衆山裏。兩造互爭競，理各執一。是我爲察其情，笑語俞氏子。爾族數百家，營葬數千壘。死者鱗次葬生

國朝詩錄

卷二十三

喪葬

三

者聚族比歲時，伏臘間祠堂設酒醴。列坐別尊卑，平行序年齒。敦本兼睦族，祖宗大歡喜。生者死者心同是，此情耳胡爲葬爾祖。忽然亂倫紀，卑反居其顛。尊乃附厥趾，爾祖苟有知，魂亦難安矣。魂旣不能安，錫福何能俟。人豈培此心，陰陽那可恃。古諺曾有言，大地無庸買。白屋出公卿，草茅紆朱紫。都從積累來，豈關邱壟美。勉哉勵文行，元宗從此始。母再惑風水，風水半虛說。

薤露篇

按事武林作

陳希曾

我上梯子田，頽牆墜瓦紛相連。我入青芝塢，蟻戶蜂房森可數。如此青山骨不埋，國殤公厲計殊乖。生前猶記

樂土樂死後難得住城佳使者來開攬屋新鬼故鬼同
一哭漆室殘燈有火燃黎邱幻鬼煩刑鞠春露秋霜空
涕淚祖宗靈爽非兒戲富室每多祈福心貧家誰篤通
財誼棠梨麥飯年復年何處豐碑問墓田搖落可堪風
雨嘆護持難侍子孫賢

籌簫
編竹籬

譏停柩也

吳照

華堂編竹籬半截遮靈柩先人骨肉乾未乾幽宅十謀
九不就他鄉異縣來葬師貌言樸訥衣布衣青烏金鑲
口爛熟尋龍點穴爭豪釐孝子立在旁再拜復長跪我
家停有三四棺先祖父母先考妣蹉跎不葬皆有由窮

國朝詩錄

卷二十三

喪葬

三

鄉難覓好風水願躡峻嶺登高山從師訪求敢厭艱飽
君肥肉醉君酒富貴福澤非等閒東原山坳得真穴西
原峰尖更秀絕歡天喜地券立成瓦礫先驗猪牛骨名
爲印子色貴黃年月孝男書石碣孝子持家久廢書竚
望子弟光門閭塚中枯骨一得氣腰圍金帶朝堂趨倉
厥陳粟供飲博福祥未降家蕭索骷髏無知魂有知眼
眶空空淚難落吁嗟乎天道福禍由善淫親骨求福無
人心葬師流毒非自今

洪
形家惑

羅安

山川而能語葬師食無所方回此言解人願只有形家

聞而怒嗟哉世俗惑難祛山崩鐘應信有諸不思心地
務種德乞靈坏土何太誣青囊一編貴拱壁遺鈐所在
多傳摹形家預相佳穴隱躍其辭使後人按而求之謂之鈐郭君身且不自保暨
陽福地定屬虛暨陽郭璞葬母處徒將此書誤後人賢者不免

况其愚君不見洪州西山鬱層霧奇氣磅礴秀靈聚公
侯吉壤如粟麻踏破鐵鞋無覓處但見官長來尋山不
見官長來土墓萬金買穴竟何為祇為豪家供竊據連
年訟牒在公庭子孫零落誰能護復聞蒿里地停柩數
十年一朝破野火遺骸飛冷煙終天抱恨悔何及至今
人子淚潺湲淚潺湲心愴惻呂才卓論家諭難向其鹽

國朝詩錄

卷二二三

喪葬

三

茲二事破積惑

嶺南金罐

粵人尚堪輿葬後必發視其骨色黃者易棺壅原穴色黑者時以窆壘名曰金罐更求佳兆有數十年未就者樂鈞

嘉應州皆然潮州亦有之

樂鈞

金罐夫何物贏罌貯枯骨壘壘遍空山荒草半埋沒死
者靈不靈生者求佳城處處風水惡年年霜露零可憐
金罐苦偏仄游魂夜夜尋幽宅白楊蕭瑟青楓寒舊日
荒塋歸不得忍暴親骸求福祥忍用瓦塋同下殤百年
必盡生者死殘骸亦入贏罌藏形家所言理或有竟得
牛眠骨已朽賓客吹簫盡白頭松楸新種無人守

哀淺厝

黃安濤

江南渴葬多送死習俗薄墳墓一椽覆

吳下以停柩之屋為墳墓終

古淺土托今茲夏暑雨澤國成巨壑生者既流離死者

亦漂泊我歸經吳江晴久水始涸村家舊漲痕壞壁可

約略游目未忍窮慘慘到岸脚扁舟何縱橫顛倒沙嶺

閣想當潦盛時出沒浪中躍不知幾萬千殘腐付蛟鱉

前年疫癘行鬼伯肆橫攫豈料但化餘又被陽侯虐誰

歟軫仁心掩骼高冢作招魂間水濱一例俱冥漠新故

但蒼然氣類有滄錯天陰聲啾啾哀此一邱貉

鐵翻金鐘 戒遷葬也 鄉俗謂子風水既葬其親復出土火之兵之壓骨以牌名曰金鐘易

其處曰翻甚主有屢遷而卒暴處者

又

國朝詩錄

卷二十三 喪葬

五

翻金鐘何其愚風水不知有與無爾祖爾父生何辜死

後不得安其居百鎰延堪輿千金買山地坏土猶未乾

掉頭旋復棄發邱斷棺析骸骨何異狐埋更狐措子孫

忍為盜賊行富貴焉能異凶停吁嗟金鐘藏諸幽夜來

鬼哭聲啾啾牛眠吉壤如可求又有覬覦人巧偷

潮民又有

以地盜換埋骨者

辭陪喪客

陳春曉

晨曦黯無色入門弔客盈客去須客送客來須客迎孝

子居苦塊不能曳履行賴有親故輩敢請擯接更向曉

聽事集古道今已傾笑談恣譁虐近更炎涼生但聽門

前鼓客意殊分明藍縷亦何恥。上堂衆相輕紳珮素不
識降階羣相爭。日旰華筵設人渴而酒清那顧喪者側
豪飲有餘情詰朝復相送耀首皆冠纓且喫到山飯漸
聞哀吹聲匆匆雜拜跪各自指歸程澆俗已如此執紼
悲老成

又 山老虎

廬墓難終身孝子出山苦魂夢常依依山中一坏土一
坏土十年樹鬱鬱復惹惹松楸賴有主孰爲主山老虎
恣意樵采縱尋斧墓前羊虎齊傾頽翁仲無言任輕侮
游子宦成歸清明麥飯補大木不成陰根株猶可數觸
國朝詩鐸 卷二十三 喪葬

火葬歎

鄭敬懷

人死不入土久恐委溝瀆誰知更有慘于此忍心火葬
到骨肉掩骼埋齒仁政急慮其暴骨飽狸腹吁嗟火葬
出異俗如此曷若將骨暴骨暴猶得全其軀焚如只存
軀一掬嗟乎兄弟本同枝父兮母兮更將我撫育乃竟
忍心灰其軀哀哉何異遭殄戮雷霆罰之胡不速多少
荒郊鬼爭哭

荒冢行

青鳥哀唳白猿叫林魑夜哭山鬼笑老松化作魑魅形
黑月森森石間照紅滿山花不作春冷風如刀吹殺人
回頭俯瞰荆棘處狐憑兔穴皆荒墳纍纍布似殘棋局
高者如垠下如堦欲問埋愁地下人摩挲沒字碑難讀
楊柳桃花三月春不知誰與奠孤魂古來富貴如夢幻
誰非玉候將相之子孫銀宮金屋如烟滅換得荒山一
明月綽約非無倩女魂風流亦有才人骨坏土同依作
棟梁冢中可有舊冠裳杜鵑痛哭颺毳毳不值青山笑
一場君不見將軍袍笏埋荒草帝寢燈檠迹如掃但見

國朝詩錄

卷二十三

喪葬

五

金蠶冷墓門何曾白鶴歸華表又不見六陵寶氣照山
川虎枕雲琴盡出棺石馬無聲翁仲淚空教遺恨滿林
巒何如片土營安宅長暮猶能妥殘魄錦韞知無梨樹
悲玉簪幸免梅花劫吁嗟乎韋平阡碣半蒿萊回首牛
眠不敢哀誰是千秋萬歲後高名不與骨同埋

閒居雜詩

陳光緒

大夫三月葬士則僅踰月縣封有定期普爲春秋律今
人惑堪輿選地葬無日野厝苦寒暑屋殯防禧出日久
家或落窀穸賞已竭郭璞造葬書但求妥骸骨藉以博
富貴兒罪豈容髮棺槨未入土譬如居無室死不如速

朽聖言有爲發

攢屋哀

羅以智

新鬼故鬼啾啾哭，雨齧棺朽風摧屋埋沒。草中棺壘棺道旁，行人酸心目豈無？子孫豈無知先靈，未肯窀穸卜罪彼不孝罪焉辭。積習更痛成惡俗，一坏土乾復何求。墓門茫茫鬱松楸，紙錢一陌酒一滴。魂兮何日歸山邱，對此如何不悲憫。因循豈盡迫窮窘，無故不葬法有誅。惑於風水尤可哂，棺卽不朽屋不摧。死者未安生者忍。

攢屋謠

王乃斌

行盡山南與山北，鱗排櫛比曰攢屋。垣低似類野人家。

國朝詩鐸

卷二十三

喪葬

三

風慘常聞新鬼哭，分廬列舍如市居。山中豪猾橫索租，子孫處之不經意。但求富貴謀堪輿，終年登陟尋吉穴。宛其死矣入此室，漂搖風雨任摧殘。惡俗相沿竟成習，吁嗟乎一廬旣受將終焉。從此逝者不得歸重泉。

金鉢

泥甕也有蓋俗謂之金鉢

吳世瀾

朝過北邙山，纍纍見金鉢。厥高二尺餘，平乏盈尺闊。野人負之來幽塚，恣掘撥詢云：將改葬，斲棺檢骸骨。貯之此鉢中，攜往瘞靈窟。古者不修墓，聖言揭日月。改殯必反寢，衣櫬詎敢忽。仁人受遺體，愛護及膚髮。栝樛尚珍藏，桑梓猶勿伐。奈何戕親骸，寸寸等劓刖。願復勞其生。

剗剔及其歿忍哉人子心厥罪勝斧鉞况復取攜便干
山憑抓拊往往盜人墓姦宄發倉卒吾聞西方教火葬
禍未歇及茲檢骨兒殘酷同蝮蠍疇能亟禁止告誡申
明罰沃澤賁重泉荒墳免駭魂

蒿里曲

夏之盛

古者喪祭各有禮今人越禮自親始匪惟越禮實兒戲
那識悲哀競華靡解一門外飛樓天可梯銘旌兀兀高

官題鼓吹徹衢陌儀衛列東西日暮弔者且屬至主人

匍匐億不支解二昨宵罷祭天將旦靈輒戒塗日已冥

賓友滿湖莊梁肉都糜爛挽郎卓午尙未來萬人夾道

國朝詩鐸

卷二十三 喪葬

亥

睽睽看解三噫吁嘻生者恆心死者痛窀穸杳無期浮

文亦烏用君不見漏澤園中昨瘞棺當年冠蓋千人送

解四

積屍歎 嘉慶乙亥

又

鬼輿閃閃積屍氣湖濱厝棺無隙地舊者未瘞新續添

填湖作地莫措置解一摸金校尉毒于獍和頭燒穴圓

如鏡絞衾顛顛在脛紛紛南北山搶呼幾十姓解二不

問富與貧亦不問舊與新竊此何爲古未聞吁嗟乎賊

太狡鬼不嘖解三葬者藏也古之紀曷不窆窆早盡禮

誰無父母誰非人子我亦聞之輒驚起解四

蒿里曲

曹惠馨

妙選笙歌耀旗幟忍借親喪作兒戲靈輶峩嶷遊市塵
嚮晨發引晡未至誰謂豪華如轉燭古苔繡遍前和綠
斲棺為器賣入城旁人不知誇美木

掩埋

掩骼篇為陳四青少尹賦

盛 燼

民生榮悴本無定博施濟眾堯舜病但於乍見萌惻隱
豈同秦越異類並所以古人月令篇埋齒掩骼有遺言
西伯恩澤及枯骨治岐餘績仁之端清溪累累白楊哀
天陰月黑鬼火堆生苦飢寒死委壑鬻體著雨長莓苔
國朝詩錄 卷二十三 掩埋 完

荒原無主侯為主作民父母心獨苦念彼暴露天何辜
萬物由來宜歸土陰風獵獵野火噓驚散蚋蛄走狐狸
支撐枕藉久捐棄咸使一旦安其居夜深星朗愁憐息
羣鬼啾啾叩頭泣草莽朽腐沾恩膏將以何者為侯德

紀石樓令袁梅谷瘞鬻體事

石樓古屈地鬻賊居制距今百餘年雍正

庚戌夏署西北隅露一枯體掘之鱗次櫛比斷
鐵剝缺爰瘞之義冢旁勒石歲奉祀焉是皆不
辱于賊之勇夫義婦也余既嘉其嚴遂成
事又悲死者姓名湮沒詩以弔之

晉封夷吾地乃今石樓縣縣小山為城居民昔逃竄隔
河近米脂劇賊首發難吹脣兵搜牢獻馘築京觀百年
槎枿級癩瘡漬刀箭是皆恥生降忍死就塗炭女不受

賊汚男不從賊亂中宵風月黑啾啾聲達旦里居既蕩
析子孫亦糜爛誰復與招魂春秋澆麥飯袁君莅茲土
撫循法稱善餘波澤枯骨幽魂雪煩怨朱囊白木柙
附義塚畔而我想當時賊氛廣延蔓出入河南北流毒
天下遍安得百袁君各遂首邱願鬼亦異遭逢望空發
遙歎

同歸域詩

順治丁酉十一月鄭成功攻澄海之鵝
汀堡鄰村入堡避賊者七萬餘人堡破

同日受屠有僧瘞之於隴子之原
題其碣曰同歸域余和章純儒作杭世駿

聞道鷗汀戰火紅萬人同日殉滅洪游魂假息 王風
外害氣禁消佛力中日落飢鸞翻白骨雨深冤鬼哭青

國朝詩鐸

卷二十三

掩埋

三

楓書生也植如竿髮殺賊思彎兩石弓

掩骼篇

城東安化寺有廣場爲旅櫬寄葬之所余
信申鐵鑿孝廉兆定往游見暴露者十有

四棺令寺僧掩覆之答曰需錢一萬四千
予與孝廉分任之越五日竣事作詩弔之

蔣士銓

安化寺中冢纍纍新鬼故鬼紛追隨生居五方不省識
死聚尺土相因依旅人賃地如賃居寺僧食租如食穀
棺存那管狐兔穿冢裂甯知嚮饑哭尋秋有客聞鐘來
破墓入眼同悲哀本無金盃鎮石槨但有白骨生青苔
墓田何處正邱首貧者應須死速朽餒而甯借子孫在
廢矣難求翁仲守兩人出錢萬四千馬鬣十四俱隆然

生王死士終難保柳下能經幾百年

撿骸骨

卹死 按此詩在川陝楚亡也 軍營諸篇之中

徐鏞慶

孟冬十月狂飈吼平地飛沙死人走死人萬萬來雙溝
雙溝夾河人血流屍屍浪湧有時立烏鴉翻風半天黑
下啄死人腸腦出荒郊野狗瘦如豺餓與饑鳥奪人食
路人過此空長吁可憐屍骸滿路隅誰能灑淚上枯骨
只有襄陽諸大夫

澤骨行爲金岑齋少府作

己巳秋邑大饑少府奉大憲命賑卹凡荒塚暴

露者分俸掩之

戴蘭芬

三阿水清漪漪三阿城塚纍纍城東水漲苔痕紫塚中

國朝詩鐸

卷二十三

掩埋

三

棺破骷髏徙骷髏徒哭聲起新鬼煩冤舊鬼愁生者且
無食遑爲死者謀高軒巍巍五馬南來使君駐節惻然
心哀心哀賑民災出官俸助掩埋使君澤及枯骨何
况窮黎拜車轍嗚呼何况窮黎拜車轍

萬開燧途見餓孳詩見災荒門

塘東辜氏義冢行

慧霖

歲維癸丑秋七月西江大水苦難說不獨陽侯肆虐行
道逢荆棘死生決南州有士塘東辜志存廊廟身江湖
道中予兩無據維桑與梓聲相呼似聞盜賊如蜂起
上至吉州下彭蠡洪都坐困兩月餘鄉里汪洋苦秋水

官軍不至義軍來貧者出力富出財一鄉稱善四鄉應
劍花斫地歌莫哀上流僵臥數身手嗟爾形狀殊多醜
泣雨漂風沈忽浮隨波逐浪無何有又聞羣鳥呼鳥鳥
不葬魚腹蠅蚋趨安得江邊一坏土埋此濡首沒頂之
殘軀君能不惜田一區掩之日費千青蚨素稱仁里敦
義族此風千載何能無噫吁嘻此風千載何能無

附錄過湖上萬骨冢悲賦 杭城兵燹積屍如山枯骸載路城復收斃散築數十大家

於南北兩山題碑曰義烈遺阡春秋祭祀

張應昌

齒豁欣蒙掩形骸慘不分一坏同混沌萬鬼雜紛紜義
骨成京觀寒燐結暮雲那堪仙佛地罹此劫灰焚

國朝詩鐸

卷二十三 掩埋

三

宋塔殘陵寢

元楊璉真伽發宋諸陵將以骨築塔唐義士收骨別葬于山陰秦臺聳闕

骸赫連勃勃以戰豈如仁政澤慈郵義民儒恨乏山陰
骸場屍築闕骸臺容能分涇渭流古今千載事涕淚滿杭州

行旅

遊子行責山西田秀才 馮景

親老不歸養卿爲無天地離鄉二十年金鍾遠莫洎况
又鮮弟兄晨昏望誰視曾無銜索悲孤負倚閭淚不見
老萊子華顛學兒戲可憐反哺烏啄粟迴高翹養隆而
敬薄尚云非人類裘馬何翩翩音書亦懶寄可憶出門
時慈母理衣笥長鍼縫密線遲汝下甯意故衣棄何許

新衣換佩璫臨歧千萬言今無一字記草枯還再榮人
老不復穉移汝外嬖心去作承歡事詩教本溫和巷伯
有當詈誰則生空桑昏昏明發寐生當懷令名死當畏
惡謚卿能悔心萌谷風不終棄

黃河大風行

沈用濟

黃河之水自天落我舟來向黃河泊遙看雲氣如飛龍
知有東南大風作大風一起天茫茫排山倒海不可當
浪花捲起高十丈虛擬沈牛截狂象危檣大煽撼不停
霎時飄散同流星高岸倒震鼙鼓裂裂濤亂捲蛟涎腥
暝來打篷聲腦膊半爲雨點半冰雹夕陽欲下風更狂

國朝詩錄

卷二十三 行旅

三

吹落孤帆天一角一舟重有萬鈞力漩入泥沙脫不得
一舟觸石摧鵲尾窺見青天在艙底水面一舟飛鳥輕
無枝可棲心目驚其餘溜急難鼓柁客船十箇碎兩箇
同泊尚餘四五船船船相觸繩相聯長年當風立至曉
我輩安得高枕眠近見青齊成水府况聞中州少安堵
皇天降災良有因汝曹定觸河神怒不爾風濤何太苦
男兒勿恃膽氣粗要知蹈險非良圖新河安穩路徑直
汝何不趨趨畏途豈惟黃河爲畏途波瀾平地無時無

渡河篇

錢以塏

行路難難於臨河于長橋蜿蜒忽傾圯褰裳欲渡波濤

寬征夫夜半戒行李揮鞭到此停征鞍况逢泥滑滑雨
漫漫長亭短亭行過半吞風飲露朝未餐大索渡船剛
一隻板片朽敗篙師單前行未渡後隊至岍南岍北注
目看驢馬雜還忽驚起行人排擠當危湍斯須不可測
對此摧心肝秋風七月尚如此那堪朔雪流澌寒君不
見乘輿濟人無足道徒枉輿梁政之端胡爲乎往來過
者望洋增長歎行路難告長官

下灘歌

許燦

紙船鐵梢工直下激浪衝濤中一灘未過一灘接迅雷
轟轟振秋葉左揮右揮面發熱但以手語無人聲梢工
國朝詩錄 卷二十三 行旅 言

非鐵船真紙十人乘舟九判死

金有神一船主晨釜不鳴客莫語客若先之當禍汝不
見後灘急浪如山來前灘石如鋸齒排但使人船安穩
得神祐白酒黃雞報禱祖

去船破浪疾於駛來船牽縵百夫曳上灘苦難下灘易
來船雖遲常得完去船雖疾多摧殘下灘苦險上灘安
吁嗟汝曹且勿爭何如不作閩灘行

過牯

沈德潛

截流利轉漕險要閉版牯奔流挂文餘玉虹下石硤驚
雲擺碯碾鐘懸響鞋鞞未到耳先震乍視氣已聾咨舟

排檣竿喧厖亂驚鳴懦者懼欲弭勇者浪堪踏長年理
敵篙鳴金衆夫集退行索齊挽逆上船疑立忘身與水
鬪性命輕於葉人定終有濟忽奪兩崖入中流自在行
安危判一睫出險更思險心定膽轉怯猛省戒垂堂未
敢貪利涉前途浩茫茫願言慎舟楫

過灘

盛錦

重峽間百灘一灘度一厄江渦衆壑趨厓口亂石積大
石疊鼉鼉小石攢劒戟中流若沸川翻倒蛟龍窟牽舟
逼下流凜若阻兵革長篙挂峰腰遠纜走山脊鳴金策
衆工銳進不盈尺一絲中迸斷百里供一擲觸石無完

國朝詩鐸

卷二十三 行旅

三

艘沈淵有驚魄是時雨初霽沙石多滑澤亡命爭上厓
匍匐落冠烏婦孺互扶攜雞犬任狼藉暫脫魚腹災波
濤亦任席轉思斷鼇初四極奠磐石豈其禹力衰此境
終未闢天宰眞夢夢人事日偪窄寄語營利徒勿作遠
行客

蔣業晉新灘書事見盜賊門

江上見覆舟

張雲璈

江行終日居坎窞天遣書生來習膽江心突見有覆舟
使我魂驚顏色慘帆摧柁折長檣撓浪翻雨打兼風飄
不知旋轉幾晝夜船腹尚在中流拋此中無人有人骨

大半已飽千年蛟先時反覆防罅漏鐵葉連綴今猶牢
我怪舟行何不慎人言舟行莫太迅不愁上水愁下水
不怕風逆怕風順逆風下水尚可留上水順風未全趁
若教風水得兩兼快意中間安可問豈無千里一日還
願恐難酬事亦僅我揆其說方喟然中有至理存乎天
豈不見駿馬下坡猛于虎銜檠時時折其股更不見鷲
鳥疾飛高入雲毛血忽被罡風分老板聞言心乍懾遽
把高帆顛一葉

覆舟詩

徐錫禮

颶風怒捲海雲黑噴沫鯨魚作人立風水相迸浪走空

國朝詩錄

卷二十三 行旅

美

浪花堆出千瓊級估舟東南來陡然遇此風初如江豚
翻波出復沒又如飛鴻墮箭身倒衝帆掀舵折人束手
倏忽顛落蛟龍宮此風亦何惡此水亦何毒子母蠅頭
利幾多萬里相從飽魚腹年年水底結冤魂鬼無新故
同聲哭吁嗟乎人生同一死得所乃爲是殉利必危身
求福在知止溺人應笑錦屏人宦海風波亦如此

覆車行

陶廷珍

危橋偪仄石骨頽水聲瀾瀾車轟雷兩驂窘步忽顛趾
失勢一落雙輪摧水入空箱泥滿袴後車奔救前車下
輿人愛馬如愛身傷不問人先問馬僕撫我背屈不伸

我驚不怒僕已嘔，僂互掖並起立，怒鞭其馬兼及人。
與人前致辭，伊感客自貽，遇險盡避險，下車理則宜。客
今自安坐，願仆奚足奇，客身幸未傷，毀折將咎誰。我聞
斯言若聞道，始信疎虞怵，年少世路艱，軻盡太行飄蓬
塵，歎風塵老，倏忽鴻毛性命輕，哲人尤貴知幾早。

官渡船

陳聲和

官渡船何處，艤官能濟人，客心喜年來，壟斷歸土人，其
黨數十據要津，客昨停舟時，水深祇二尺，卻嫌礙輪蹄，
散道嶙峋石，乘輿自濟勢不能，一船爭渡人，俱登客先
過河，隔河等驅車，上船船不肯容裝，雖輕客車重如何。
國朝詩鐸 卷二十三 行旅 三

途半程悞

二把手

又

二把手挽者在前推者後，雨天雪地不敢走，有時得意
如乘艦，布帆三尺捲浪沙，仰不高軒俯不軾，坐客欠伸
慮傾側，忽然壓面高車來，御者意氣如風雷，揮鞭叱汝
囊中道道左，還噴礙邊套，可憐排擠入坎中，兩人推挽
力亦窮，此客張皇意消沮，道旁強就老翁語，大腹高臥

車中人得毋官長非平民老翁笑容見何淺世路傾歛
原不免人生貴賤視所乘彼此易位仍相陵

辦公館

又

辦公館縣符下催里胥悍店家殷勤一尊款此店今宵
客正滿下番當差不嫌緩東家主人不解事官封去貼
公館字傳呼大府卽日來一一供頓須單開別儲酒肉
犒儻從店旁更借民房用辦公館張燈紅斷木似行馬
裁布爲屏風茅屋居然作官廨客問雞豚不敢賣治具
連宵數擊鮮主人守候殊可憐縣中幹役如狼虎敢問
當官飯食錢

國朝詩錄

卷二十三 行旅

庚

灘師

李黼平

長灘三百里一灘一洄洑長年卽灘師藉手延尊宿一
師當船頭左右點篙竹一師船尾立把舵如槁木半日
上數灘計里亦神速問師技至此毋乃巧於熟師云心
專壹不係手與目大石如尊官袍笏何雍穆小石如奴
隸環侍刀劍簇我舟出其前道在勿與觸迎風漸竄緣
得水隨屈曲要津已高據尤宜緩相逐總看石喜怒以
爲舟往復譬宦海波濤此理可照燭狂直與戇愚無益
祇取辱惟能柔道行斯可千百祿我聞味斯言言外理
悅服再拜謝灘師險途得平陸

渡水沙二首

屠倬

水沙十里江一里沙擁江平一條水荻花吹盡晚潮枯
腳踏堅冰人凍死是日聞死者三人鴛鴦叫空飛不落牛領成
創苦鞭捶嗚呼渡江先怕渡水沙無錢不上獨輪車
月黑沙淤不見路五更早候西陵渡水深沒踝不敢住
行李先催過江去夔夔津鼓城頭搗樹枝霜白啼老鴉
嗚呼渡江先怕渡水沙擔夫日被官差牽

大道行

周凱

三月易道路九月成徒杠周十一月王政有定時無論大小

邦襄陽况當九省衝秦黔燕豫多客蹤車如流水馬如

國朝詩鐸

卷二十三 行旅

五

龍胡為崎嶇而屈曲天雨泥瀟慮顛撲馬行沒脛車脫
輻抄徑入田疇禾麻遭荼毒行者愁苦耕者哭我為爾
民計為利殊有四經涂九軌環七軌周以溝洫實古制
既可利人復自利曷不舍爾道旁尺寸地官道本自有
定式我今三丈以為則兩旁取土掘深溝溝廣十尺深
十尺為道必期成周行為溝切勿逆地防道旁任爾各
栽種棗柳乃是易生物一年自青青兩年何鬱鬱亦既
便行旅又復滋稼穡樹木可以佐棘薪深溝可以防盜
賊每歲農隙時不惜數夫力挖溝翻土封爾植不愁行
人踐爾禾何至爭競尋矛戈居者獲利行者歌爾民試

看襄陽城城中大道如砥平白石鑿鑿相縱橫爾但齊
心工易成聽我長歌大道行

盤灘謠

姚椿

撞高金擊大鼓擎千篙止萬艫前招後柁衆力舉繯繩
百丈人蟻附有時山頂行有時乃以小舟渡水勢沒石
石力拒石勢出水水力怒失勢一漩落深處倒空橫飛
疾於羽人不得轉瞬物不得主坐待其定色慘沮以十
挽之一不補吁嗟乎上灘兮灘已勞役夫一呼風怒號

放灘謠

又

自蜀入楚灘不可數舟如飛花石上舞猿聲悲鳥聲苦

國朝詩錄

卷二十三 行旅

單

亂流迴漩石齒虎距長年二老擊木牌衆工頓足萬橈
舉篙師當頭魚龍怒吾欲擊之恐予侮搖手戒弗語強
者危坐懦者色如土前灘後灘號呼聲古來挂骨何處
所吁嗟乎下灘兮灘已危客子出險涕漣漣

馮詢石橋謠見橋梁門

沈起潛八坼行見盜賊門

倚閭歎

徐泰儉

朝倚閭暮倚閭倚閭不至雙淚枯哀哉游子何其愚失

意曷弗歸田廬

解一

行路難依人苦倚閭人酸肺腑汝

飢汝寒誰與語欲往從之道脩阻

解二

獸亦知返哺鳥

亦知倦飛悔將送別淚灑上游子衣西風落葉打門響

夜涼恍惚行人歸解三 天蒼蒼兮雲脈脈倚闌人兮痛

沾臆杜鵑啼血哀猿叫月悠悠天涯魂夢斷絕胡不思

倚闌人難再得四解

颶風行

庚子十月初八日遼陽大風上海沙船之在洋者覆沒七十餘舟憫商賈之艱爲作

詩是

王慶勳

吳頭一水遼陽通羣舟航海憑神功凍雲忽起接蓬島

那禁狂雨兼狂風狂風吹海海水急十丈洪濤夾船立

卸帆不及力難施滿船性命懸呼吸一波未平一波生

此身真似鴻毛輕入險出險且未暇奚遑來救他人傾

國朝詩錄

卷二十三 行旅

聖

吁嗟乎少小離家爲謀食未必微利營皆得百年計較

千年心用人鬼無端判頃刻人生何業不可爲行舟奚

止三分危諺語行船走馬三分命古今航海幾人返聽命向若心

先癡君不見山頭十圍老樹風拔攝何況茫茫大海之

中舟一葉

過四天門

在井陘平定界上卽太行支山俗爲是名

嚴辰縉生

舟行畏瞿塘車行畏太行憶昔下三巴每戒如馬航七

年長安道王路遵平康忽有萬里行取道燕趙疆裴裴

太行山延袤千里長到此第幾陁起伏多崇岡天門四

方高東與南最强東乃上山險我馬病元黃南則下山

危我車憂覆汪御者宿戒備喚馱分行裝上山必打眼

車至半坡欲暫息則以石子墊車輪名打眼聊息汗馬忙下山恃挂木

木橫挂輪後則車去較緩否則難收繮車制隨地殊攷工所不詳前

軒忽後輕人如鳥韻頰左顛復右倒又如箕簸揚有時

陷碾渦宛若穿運方車輪與石鬪終日聲雷碾老妻挾

幼女一手扶車箱所慮軸或折不死亦被創兩僕負二

女足繭躡道旁我舍車而徒一步一踉蹌日行止半程

投宿已夕陽心折骨亦驚夜夢猶惺惺山頭奉伏魔廟

貌非尋常不覺膝自屈懍懍祝瓣香人生蹈險難不免

信祈禳出險戒心弛後車債康莊平地有風波何必馳

國朝詩錄 卷二十三 行旅 聖

帆檣所以聖賢心戒懼不敢忘

亂離

吳偉業葦山兒見鸞兒女門

梁清標空城吟見兵事門

野店篇

施閨章

祁陽山中斷行旅萬嶺參天天欲雨松杉百里一茅店

椎髻老翁作蠻語土垣半倒撐樹枝白日空庭走飢鼠

驚看上客車馬多卻立低頭色如土連年此地莽邱墟

行人露宿飼豺虎生兒箒中已八歲不識門前樹不黍

官來給種新買犢臥無莞簟炊無釜遺黎擊柝夜燔薪

防虎中宵有伏弩客聞歎息亦吞聲亂後天南鮮安堵
吾語老翁汝勿苦日暮壺漿不索汝過吏遊兵慎莫嘖
主人去此適他所

我昔三首

吳嘉紀

我昔客途逢敗兵絃聲旆影魂俱驚殘騎如狼散草莽
居人雜兎奔縱橫漁船貪利夜賣渡金多方許載人去
隕色潛行曙則隱口乾腸飢我能忍

我昔攜家亟逃難海雲漫漫晝昏晏野空蹄響賊馬近
我船欲速行轉慢須臾燔燒間里紅風漂船入蘆港中
蘆葉蒹葭蔽男婦引衣掩塞啼兒口

國朝詩錄

卷二十三

亂離

三

我昔兵過獨還家畦上髑髏多似瓜空邨無聲雞犬盡
籬菊自放霜中花天南伯兄天北季驚魂棄絕故園地
夜寒鬼語聚稍稍細雨還聞九頭鳥

難婦行

玉真六月
瓜州事

又

甯爲野田莠不爲城中婦莠生雨露培婦命如塵埃江
頭六月舉烽燧東南風吹戰艘至官長首嚴出城禁嬌
娃豔婦縮無地愚者爭向船艙匿覆木覆石水關出木
下石下填人膚日蒸氣寒人叫呼舟子耳聞眼不顧往
來邏卒逢無數短篙刺刺漸離城听上骨月喜且驚夫
來挈妻父挈女開艖十人九人死吁嗟乎城外天地寬

如此此身得到已爲鬼家人畏罪不敢唬紅顏亂葬青
蒿裏

梁社河邊行見流民門

吳遵錡應城行
邵長蘅京口行詠言行 並見兵事門

歸家歎康熙十九年
吳逆初平 許國煥

捷書騰山谷晨裝促雞鳴 王師夜半入傳聞收郡城
就中招流亡王官語分明收淚卽歸途負擊戰場行迴
遑望餘燼腥血踐鮮蘋骸骼無一全枕藉形縱橫念之
皆赤子誰甘叛逆名迫脅豈所欲骨肉空伶仃

行行讖溪山陰風吹落日四顧無居人荒煙冪空室心
國朝詩鐸 卷二十三 亂離 四

神傷虛響徐入疑復出房闔交獸蹄朝菌生牀席鹵莽
辦一炊草草不能咽冤鬼寒索羣邱隴聲相迹夜黑天
容昏妻孥悄無色

里正聞人歸臨門相訴責郡帖昨夜下誅求按通籍軍
前供億繁官衙急私役恣睢鞭朴橫喪亂不汝惜念我
去田廬劫奪無寸積粒食絕經年野草無可摘君看厓
瘠形詎足供悉索行脫豺狼吻且當猛虎噬天命乃如
此痛哭巡檐隙支離終人生苦患何時釋

難民謠咸豐辛酉賊
擾西江作 鄒端

城上壤雲似人立淒風慘慘吹賊入喧闐沸騰忙殺人

血飛如雨刀聲疾刀聲疾哭聲哀死尸撐距腥風來少
壯繫之去老弱靡孑遺初時有金命可續金盡仍然罹
其恫自辰至酉始封刀慘呼震地哀聲肅劇憐嬌小婦
深藏將哺子子未離母腹母被賊淫死所幸城中多井
復多塘迺是烈女貞婦之首陽紛紛逃竄死無地父母
離兮妻子棄壯者捉之去衝鋒幼者名之小把戲可憐
倚閭待兒歸年年望斷解重圍重圍未解賊又至滅門
絕戶餘幾希烏虜滅門絕戶餘幾希縱有存者死有時
塗泥逃婦歎

于慶元

國朝詩鐸

卷二十三

亂離

星

盈盈浣紗溪佼佼溪邊女女兒生小朱樓中嬌癡不解
行路苦煙氛起海濱到處多橫行白晝入人室不辨賊
與兵女隨母走婦挈姑出門茫茫何處趨十步九倒足
趑趄遺簪墜烏滿路隔行行日未斜道逢無賴紛如鴉
匍匐飲泣何所恨恨我父母胡爲生我顏如花手掬道
旁泥垢面復塗體蓬頭赤腳日夜逃汚辱難湔泥可洗
官符來急追問汝去何之汝不見鴛湖三十六鴛鴦軍
門日日圍紅妝

新樂
府諷流寓

張興烈

北風莽莽鴻雁號街蘆東來浮海濤故巢回首苦增燄
乃欲結隊棲蓬蒿蓬蒿何長稻梁短毛羽襍襍漸豐滿

幕燕檣烏共頡頏鄉心無復驚蘆管吳閭富兒雄於財
閉閣峩峩甲第開朝歌暮舞樂莫樂錦天繡地金銀堆
堂上何所有迢遞絃索蒲桃盃堂下何所有五花駿馬
金鞴軟投壺六博絲竹肉纏頭明錦紅玫瑰居安忘危
天降災賊騎乃自閭門來盡攜妻子出門走神色沮喪
心悲哀黃者金白者玉捆載而行滿囊匱可憐華屋換
山邱那識宴安是醜毒連雲巾肆滄瀆城望衡對宇縱
復橫尋源到此一枝借依然繡闥連丹甍人生行樂苦
不足窮途况復難爲情蘭陵美酒玉椀盛中山一飲千
日醒名倡宛轉調錦箏大絃小絃變徵聲噫吁嘻此間
國朝詩鐸

卷二十三 亂離

吳

樂兮不思蜀賸有王孫道旁哭欲求厭亂復天心亟待
還酒變民俗公莫舞聽我歌我歌不樂將奈何請看舊
日監門畫莫戀他鄉安樂窩

疾病

麻風院

宋翔鳳

嶺表有異疾卑溼感毒淫始發桃李容紅暈頰輔深徐
散成斑連周身靡不侵面目久模糊語莫辨其音蘊熱
吐臟腑出氣難自禁親戚棄不顧道路見悉暗此實天
所困宜傷仁者心聞有麻風院養之匪自今所恐傳不
衰流禍方駸駸何不究祝藥更與謀刺鍼入肆盡下醫

方孰傳千金地氣無發斂四時苦炮燻庶修改火令或
者消疹

痘詩付彭孫

祁寓藻

北宋前無治痘方字書萃乳亦未詳董君汲斑疹論已

佚周

密趙賓陽

數語其濫觴斑犀玳瑁髣髴似陳家小

兒

黠

花面妝元明以後診法備仁端錄始徐仲光明徐謙

探索羣書著理辨專門繼者祁門汪

機明人著痘疹理辨

大抵胎

元主一說歲氣之論初於黃

元御庫全書

總目醫家類陳黠

詩載文苑英華

或云武谿蠻流毒蓋以傳會殊渺茫

李時珍說或云

染自遼入汴時醫口傳難校量人情嗜欲如沸湯以酒

國朝詩錄

卷二十三

疾病

星

爲漿妄爲常卽謂先天氣所稟何至近代疾始彰若使

歲氣由瘟疫何以一發不再創疹雖似痘痘非疹以今

攷古數典忘竊疑古者重改火鑽木以時傳燧皇施諸

飲食逮乳哺襁褓或免瘡與瘍木火究殊石火烈縱有

疾病差易防清明日賜百官火古風沿襲終李唐宋初

此舉尚不廢石泉槐火存斷章自從石火取攜便木乃

休囚火遁藏星吞電吸灼肺腑冬愆夏伏乖陰陽遂令

二豎巧乘隙出入鼻息潛膏膏虛實攻補議蠡起百草

亂門誰敢嘗金童玉女環守牀求醫不得祈神禳時俗小兒

出痘必祀痘神豈知中醫常不藥和緩孰是古之良仰瞻金鑑

補造化種痘有術同時秧

欽定醫宗金鑑有種痘一門庶幾十全百

不失物無天札天降康昔我孩提今老蒼抱孫就塾若
有望先時培植病未遑猶幸醫藥慎所當俸錢獨媿民
流亡保赤無力心暗傷期爾黃犢頭角強它日爲翁勝
服箱作詩念哉孫彭郎

秋疫歎

嘉慶庚辰夏旱承豐尤甚秋復大疫死者相枕藉

郭儀霄

天地本好生劫數憑誰補陰陽一失序造化難自主今
年值亢旱數月失霖雨炎歊鑠肌骨煩毒煎肺腑自從
入秋來大疫遍蓬戶桁上無完衣盎中無粒黍殘喘豈
能延哀哉命如縷

國朝詩錄

卷二十三

疾病

吳

山墟藥石貴典衣聊相酬點賈混眞屨安望病可瘳况
無秦越人補瀉恣誤投病多時醫競術淺貧家求殺人
以爲利庸醫誠可愁

路逢白衣人荷鋤步層岡逡巡草間臥骨立面瘦黃云
是八口家隻身未罹殃前日老父死昨夜阿母亡兄弟
後先逝藁葬南山陽庭寂不敢入靈座纍相望鬼氣悚
肌髮喪容悽尸堂慘語不忍聽歛歛向穹蒼

江鄉重巫鬼舍醫更問卜日者談吉凶廟子悚禍福黃
冠利解禳朝暮紛相逐曠野夜招魂悲呼動林谷此輩
豈知道營營飽錢肉謬言可勿藥求神罪可贖鉦鼓滿

四鄰哀吟上黃牘不見靈神來。惟聞舉家哭。

天花歌爲邱浩川上舍賦

張維屏

天花權輿自何時談秦說漢多無稽黃岐雷桐洞百病
吁嗟此事胡獨遺何辜黃口受斯厄天行劫至孩提危
痘苗塞鼻古有法得失參半兼醇疵異哉爾牛亦患痘
新方海外傳島夷其法別管稍見血牛痘之漿輕納之
由牛及人一遞百勿藥有喜無差池或云坤德秉質厚
或謂嗜慾惟牛稀當時寸鐵突相向意在取痘牛弗知
一牛敵鯨萬家喜仁術至此眞難窺乍聞我亦半疑信
驗諸目擊言非欺始由紅暈至痂脫計日而愈無愆期

國朝詩鐸

卷二十三

疾病

吳

但看雙珠出雙臂折肱安用誇神奇由來種痘比種穀
茲瑞亦可名雙歧天花嘉種肯散布何異甘露分楊枝
乃知人事補天憾一手可活千嬰兒邱君習此思濟世
誠求保赤心實慈衆人之母君克任豈獨十全爲上醫

知病吟

彭蘊章

知病不知藥黃帝內經空糟粕知藥不知病神農本草
戕性命知病知藥求宿瘰毒藥何異吞戈矛元氣暗損
盧扁愁更有未病先服藥自謂攝生莫我若反招二豎
來作惡吁嗟乎隔垣之技世無人但當食粟飲水全天

眞

紀疫

辛巳六七月江浙大疫自夏徂秋死者無虛日目擊心慘不能無詩

柳樹芳

憶自甲戌秋旱魃會爲虐是冬盛疫火入春尙如燭訛
言兩年中疫氣相間作厥後亦罔驗陰陽難揣度比來
屢豐年戶口占和樂尋常饜膏梁幾不識藜藿緣何至
今夏人死如隕瘁始從足上起俗名曰鈞腳一冷脈垂
絕十指盡被縛腸胃先已傷肌肉登時削往往一飯頃
便不可救藥人言鬼作祟縱疫爲擊搏何弗禱於神羣
將性命託簫管聽沸騰鈺鼓看舞躍奉牲極肥腍設醴
汰糟粕朝入廟嬉遊暮歸氣已索方知中有數非鬼敢
肆惡死生豈細故究誰主冥漢君子先慎疾疹氣無由
國朝詩鐸

卷二十三

疾病

五

著。愚氓昧養生。易爲寒暑薄。聞昔乾隆初

丙辰

貴州詠

民瘼凶厲盛流行。老弱轉溝壑。屈指八十年。太平尙如
昨。振作自天心。聳曠警木鐸。或者役人疫。以懲薄俗薄

樹芳又有苦旱疫火吟見旱災門

驅疫行

吳淮

東家小兒沸若狂。西家老嫗焚香忙。六街如水疫鬼避
城隍神出驅瘟瘴。紙錢堆處高於山。享鬼賂鬼鬼益頑
故鬼拍手新鬼哭。啾啾唧唧城闔間。五門太保多如螻
口作咒語手焚牒。但教出城莫入城。城外之鬼神無涉
神若有言人不聞。一城內外何區分。爾曹遷善但改過。

天怒自霽消災氛。城隍神回日未落。哭聲又聽城中作。
醫術

誅庸醫

景星杓

醫者德之宗。人命重所倚。神農味草木。軒岐通諸唯。古人惜已遠。良矩日就毀。遂令市井兒。得以變厥軌。華軒做高楔。輕裘曳文履。出則僕從都。傾座騁談齒。睚眦紛指畫。引經出別解。聆其纏纏言。彷彿寓至理。無何造牀榻。按脈聊半指。口復敘朝事。縉紳若流水。夷然把藥籠。驕倨殊自喜。不復詳主客。何暇論佐使。銜贈多黃金。要約索券紙。徒誇起生訣。乃爲速死鬼。吾聞七首利濡縷。國朝詩錄 卷二二三 醫術 至

醫說

諸朝棟

子
諺云。儒學醫。醫諸菜。作齋世。遂謂其易。人人願學之。學之苦。不精。人命等兒嬉。人身一天地。五臟應四時。疾病有標本。陰陽互推移。斯道通造化。淺學豈易爲。今之業醫者。流弊更益滋。不以古爲法。庸陋輒自師。藥性僅粗曉。脉理全未知。妄云祖河間。或說宗丹溪。詎悟大道源。發洩自軒岐。靈樞與素問。昭如日星垂。畏難置不講。古

學遂凌夷諸家如聚訟各得其支。非不杼妙理立言多瑕疵能闡靈素秘千古惟張機世人徒涉獵疇能窮指歸一知與半解遽誇道在茲有時臨重證束手空嗟咨虛實既莫辨表裏猶遲疑寒熱或倒置攻補且誤施一藥苟誤施千騎安能追。強言委命數其顏終忸怩鄙人竊有志頭白慙管窺敢謂世無賢學者請慎思讀書貴具眼能別是與非治病必求本莫尋葉與枝執方竟何益窮理始有裨志欲比良相道在雙兩儀兩儀誠能變身世皆期頤

紀醫

侯學詩

國朝詩鐸

卷二十三

醫術

五

朝來體中極兀然臥東軒爰有緩和流進我以苦言其言陰與陽偏勝乃爲患陽偏濟以陰要令適得均過劑反復勝患亦如轉環以衡較輕重豈可令輕軒改絃或使急絃絕那得彈世人多目治但取快一端不如此國工獨能知本原

醫

徐鏞慶

醫者意而已此論殊不然寒暑辨庶物陰陽應周天靈樞橐鑰握草木人命懸貴審受病所纖芥秋毫顛輾轉中腠理骨髓詎可頃痛彼庸手醫鍼砭法不傳治指不顧臂持後不計前伏邪未盡退交戰驅鷹鷂引盜入臥

內閉鬪操戈鉞貴人重性命豈惜揮金錢百萬易漢草
坐列娥眉煎誤投甚鉤吻促迫鬼伯鞭又或騁攻伐大
水灌百川寇賊縱悉祛城郭早失堅人生有要道貴操
元氣全人病脉不病羸瘠猶永年脉病人不病蜉蝣暮
堪憐安得醫國手上壽齊彭篯

論醫錄三

錢師會

輓近芸芸富七情勞生血氣少和平書中盛盛虛虛戒
幾輩醫家認得明

爲醫第一要心虛其奈當場意氣驅引入膏盲無著手
初時致誤後模糊

國朝詩鐸

卷二十三

醫術

三

病者妻孥苦候門喧呼車到已黃昏燈前一按恩恩去
指下何曾見病根

嘲醫

羅以智

不解庸醫輩偏能進古方如何投藥石反令入膏肓酬
應名徒在馳驅業早荒此公聲價重高閣合身藏

楊瘡醫

曹真馨

兩人前導乘飛輿譙樓統統三鼓初病榻延頸醫者至
肅坐未定神他趨楊生異乎彼鄙夫縕袍破帽騎疲驢
藹然之氣絮然語急人之疾如切膚昔我患瘍正瞑眩
施我一鍼毒早除畸人神技世所罕念不求利祇讀書

葆兒學醫詩以勉之

閩汪嫫

聞兒學醫我心甚喜古人知醫乃爲孝子我身多疾今無慮矣試兒工拙自醫我始

聞兒學醫我心甚憂脈象至幻指下悠悠陰陽虛實冥心索求蒼生司命曷以寡尤

醫並良相功無津涯擇我兩說各成名家一博羣書折衷長沙一師仲景莫知其他

兒既學醫先宜保身此事難知匪云救貧慎重以往妙手回春膽大心細法孫真人

祭祀補

國朝詩錄

卷二十三

醫術

誦

詠祀鄉賢事

陳翊勳

人生不朽三立德爲之本立言與立功有本末斯顯所

以古之人貴乎敦實踐孝友里閭稱謨烈 明廷展奈

何小有才便入鄉賢選 林昌彝云祀鄉賢頗多濫廁此詩切中時弊

喪葬補

雜詩二十首之一

朱彝尊

東京厚風俗士行本學校必先親其親使民知則儆於時重喪紀期功相答效至或自解官居憂立名教奈何今之人母死不作孝舍爾苴經製有醜酒肉貌首邱死者孤首山死者豹鮮民之不奔曷以掩泉窞誰哉生厲

階仕路巧騰蹕

掩埋補

林昌彝射鷹樓詩話曰多葬停棺亦繫早之一策南方人多厝停不葬其甚者以木桶瓦罐篋貯之又有客死無人過問者以至日久暴露荒郊游魂無歸往往助早斃為虐皖江汪稼門先生志伊撫浙督閩籌葬資委各州郡賢員協同地方官逐處查明將無主及有主無力者妥葬官山標記勸小裨其有主有力者諭勸依限速葬報竣者以萬千計先生述懷詩云欲酬大早雲霓望徧瘞荒郊暴露棺此舉實善政也

亂離補

贈王吳廬宗伯澤宏○吳逆之難宗伯捐貲贖難婦百餘沈用濟

紅淚千行濺鐵衣傾家不惜拔重圍揮金欲笑曹瞞吝

國朝詩鐸

卷二十三

掩埋補


三

只贖文姬一箇歸

醫術補

林昌彝詩話載祝止堂侍御德麟論醫詩云庸醫難與謀以藥試人疾欲生是其心致死是其術似摘句非全詩今不得悅親樓集一證之矣又載長樂陳賓有善醫嘗有句云但覺此心如父母莫教下藥誤君臣

國朝詩鐸卷二十三終



國朝詩鐸卷二十四

錢唐張應昌仲甫選輯

鬼神

神船詞清江縣舊俗上元昇彩舟行地上羅載百神服飾甚盛鼓吹三日乃送而焚之江詩

施閨章

清江江水春未生江城滿耳棹歌聲驚雷駭電紛縱橫
桂楫蘭舟平地行駕赤螭兮吹玉笛驅風伯兮抗霓旌
船中恍惚天帝居乃是上帝百神之所都羽衛陰森彩
仗集帆檣蜿蜒蛟龍趨別有天妃曳長佩篙工柁師皆
好姝靈旗風起時晦暝仙樂嬰眇還有無疎星歷歷月

國朝詩鐸

卷二十四

鬼神

一

皎皎夜祀明燈接清曉騰鳧臚鼈陳酒漿瓦卜雞占前
致禱黃冠陪坐恣盤殮父老爭言神醉飽願驅厲鬼屢
豐年使我百穀皆堅好喧闐花月可憐春送神還向清
江濱縱火燒船付江水錦袍絳節成飛塵塵飛處水東
去梅花已落江臯路年年賽社不愁貧典衣又辦蕪田
賦

睢陽行

江藩云此為睢陽張清恪公伯行作公撫吳時蘇州上方山有祆廟祀五昌公投之

水其怪
遂絕

許纘曾

大江之南多木客古樹深篁叢窟宅禹鼎銷沈老魅驕
野火游光兆形魄諠諠出出逞神奸空梁夜嘯霜天碧

年年里巷攘魚腥。逡巡社公常避席。有時幻作美丈夫。
烏帽猩袍服御都。山魃接拍斑狸舞。桂棹蘭橈泛五湖。
采蓮女兒樊素口。木下三郎求配偶。寶馬雲駟天際迎。
傾城鬢笑供箕帚。從此民間勤報賽。燿火村村凝黼黻。
豪門妻婦亦危疑。先奏神絃羞沉淫。楞伽廟貌更崔巍。
繡幕珠簾霄漢開。蘭堂處處笙歌競。綵鷁朝朝鼓吹來。
畫屏廣列夫人坐。清揚妙相垂倭倭。墮祝史乘機壅斷張。
阿母新來口哆哆。二吳今古如長夜。狐鳴篝火騰欺詐。
蚩蚩不復畏三章。豚蹄斗酒求神赦。更有紅袞白面郎。
踏青拾翠游芳塘。長吏催科百不應。賣得新絲往上方。

國朝詩錄

卷二十四

鬼神

二

數百年來尙奸宄。江河日下誰能止。淫昏性醜埒丞嘗。
跛覲妖巫騰羊豕。龍虎真人道行高。檢校功曹山鬼號。
頻年尺一到江左。擲揄玩惕如弁髦。睢陽學士金閨彥。
夜深常侍明光殿。金符大旆挾風霆。冰心苦節綏南甸。
長空朗月照江濤。於菟出走蒼狼逃。木石之怪夔魍魎。
猶向人間索五牢。中丞飛檄榜通衢。沈其土偶廬其居。
故鬼不子新鬼竄。陰霾掃蕩天清虛。君不見狄梁公。四
門豹。水沈三老焚祆廟。又不見旌陽尹。昌黎伯。斬蛟驅
鱷服以德。從來忠孝字豚魚。千秋傳史銘金石。公今入
朝帶劍履。削席殷勤報。天子幽書赫濯神。祇驚日麗

中天民受社有道之時鬼不靈當今海內長如此

司徒廟歌

宗梅岑
屬賦

王士祿

宗生禱神脫偈仄自撰歌詩報神德持索衆作廣流傳
予也讀之三歎息鬼域塞路無驅除艱危那不資神力
莫怪遙遙千載下盼蠻赫然還廟食我聞祀事有國之
所崇嶽瀆秩視侯與公人則聖賢或烈士功如捍患兼
除凶皆隸祠官有常典非同詭誕欺愚蒙南人尙鬼足
淫祀山魃林彪憑幽宮越巫楚覲慣靈語寓錢窳宰爐
煙紅此事吾徒置不道只足奔走駭兒童我昔曾游平
山東古祠碣臥莓苔封披讀彷彿得其概心知不與淫
國朝詩錄

卷二十四

鬼神

三

祀同能除白額禦倭亂生誠人傑死鬼雄拯人於厄抑
其細已驚靈響欽奇蹤雖使狄公復起此祠不可廢應
與伍員季札傳無窮

東嶽祠

陸韜

早登鹿鳴山載瞻東嶽祠青帝宰萬物栽培洵所司感
格固至理明晦豈有私正月農務閒晝暖春日遲張燈
滿祠宇火光照離離窈窕誰氏女三五行階墀桃花貼
兩鬢柳葉畫雙眉俯仰玉座下素手褰神帷香煙雜蘭
麝馥馥隨風吹再拜禮數勤嘿嘿若有祈拜跼歲月久
石滑如羊脂吁嗟泰岱主神明尊巍巍叩禱何侮褻風

教將焉持。

虎邱迎神歌

汪懋麟

吳俗自昔稱好鬼，翦綵刻木兼縛葦。太保粉面紫遊韁，
冠上金彈雉雞尾。綵輿入座齊奔忙，小兒亦作太保妝。
帕首烏鞞戴假面，小旗肩上風飄颺。二十鄉中土神怪，
繡服烏紗面如畫。何劉沈謝爭姓名，懷刺傳呼各相拜。
公侯卿相來紛紛，就中知者春申君。死明生暗亦可惜，
李園之計何不聞。此事茫昧我所疑，鬼神姓名誰其知。
君不見剝落杜甫廟，後人謬作杜十姨。又不見伍子胥，
後人乃作五丈夫。因以十姨嫁，僕僕荒唐怪異良可吁。
國朝詩鐸 卷二十四 鬼神 四

先王立社寓正道，新穀逢年憂旱潦。嗟爾吳人休好奇，
試向田間種杭稻。

香會謠

吳思祖

堪駭頽風專尙鬼，香會紛紛干法紀。千人萬人競逞雄，
蜂屯蟻聚徧閭里。土豪巨擘作大巫，登壇振臂一奮呼。
駕言茅峰神有應，但經朝拜卽感孚。一人糾十十糾百，
百千億萬將無極。科糧計日歲，廿升季秋先稅嚴。徵積
瀕年發，令定香期正在春。耕二月時，連村金鼓鳴不絕。
豎標建長揚，旌旗儼如軍。行限時刻分行別，隊刀鎗列
戎裝。勢赫聲鐙鏗，教師徒旅聯羣集。又道神行無定踪。

必須是處創行宮更斂民錢災土木神祠十里一龍窠
每逢一廟神誕節高臺演戲燈棚結賭場酒館亂如麻
占盡一春無虛日可憐有土任荒蕪貧家十室九室虛
惟有香頭及社主抽分肥利相歡娛因之賊盜乘間恣
老饕借端又生事假稱防患設科條復喝愚民做宗戲
伺茲黨羽強且多寡弱難支可奈何打降白占尋常事
不怕官司百度過生平慣倚能動衆一人倡首百人從
焚香鼓吹頌長生常將獻媚肆愚弄嗚呼赤眉黃巾與
白蓮皆從此等爲之先防微杜漸貴及早履霜應識冰
將堅莫怪老愚多過慮杞人自昔曾憂天

國朝詩鐸

卷二十四 鬼神

五

逐疫鬼

唐孫華

仍歲懼旱潦民物皆凋枯害氣蒸疫癘比戶遭毒痛蚩
氓信祿祥安問扁與盧謂逢梧邱鬼爭謁桑田巫巫言
神譴怒性命在須臾賣我粟與布典我裳與襦亟往市
酒肉人鬼恣啜餽送巫方出門已聞升屋呼猶言祈賽
遲神心終不愉不悟老巫詐惟咎失緩圖憐此一日禱
早費十畝租疑心畏瞰室眩目見張弧臺貽豈爲祟夔
罔爾何需奔走譁伯有叫譟驚良夫豈眞山鬼靈實由
民俗愚吾聞神正直水早有縈雲素食嘔泄間此理誠
已誣壽命乃由天運盡歸黃壚鬼豈能勝天天闕殲無

辜詎無翹卿効亦有長房符厲階首巫覡收縛投江河
游光及野仲次第行天誅桃湯遍灑濯葦索任鞭驅着
生得妥帖萬物咸昭蘇

神傘行

孔尙任

迎城隍主壇祀看神織民如蟻俱道陰官比陽官輿僮
皂隸活充鬼衢路香花千百羣各羣簫鼓響不分中爲
厲鬼雜窺鬼桁楊銀鐙亦紛紜一時氣陰天地暗鬼來
何早神何晏傳說南廟拜司徒轉來又赴東嶽冥須吏
冥罷判吏催城門洞裏開掌扇扇後神繳絡繹來數記
不清立者倦大小方圓襜層層五色間色眸子眩或樹

國朝詩錄

卷二十四

鬼神

六

雀尾或翠毛十斛明珠結作串蜀錦吳綃龜子綾瑣袱
白氍碧鷄段亦有毵登猩血鮮宮纈繡滿雲雷電繳繳
頂上金浮屠尙愧浮屠金太賤試問社翁並社婁家私
值得幾縷線吾見 皇家設朝儀擎蓋十二付所司又
見節制大連帥皂蓋一雙夾道馳陰官不比陽官顯今
日所見出何典良民敬神不媚神正神濯德不觀織

觀社行

武昌五月十八日俗
盛賽神有臺閣諸戲

呂履恆

西山松黑雲閣雨東鄂城中擊社鼓翠幢金輅迂江神
華桂靈子紛歌舞張王太保颯然至蒼遊前導魚龍戲
巧將香霧奪雲軒幻出丹樓欺蜃氣三山縹緲雲際開

飛仙雜沓天上來，織索危峯步玉女。蓮房桂杪懸嬰孩，
海靈百怪一時集。碎訇肆市行風雷，屈平呵壁驚僑僂。
偃師鬪技生嫌猜，夾蒼通達障珠箔。但聞兒女恣歡譁，
千金作社徒爾爲。紛華靡麗神何樂，轉汜紅蘭引碧車。
看盡瓌奇亦蕭索，於戲八鄉早稻未登場。急逐田祖獻
函箒，武昌有內外八鄉

淫祀歎

陳沂震

吳俗事鬼神，不異事豪強。謂其暴且忍，呼吸能遺殃。民
命如螻蟻，豈足供殘創。無事常悚息，疾病愈倉忙。握粟
扣狂瞽，妖言僞張皇。羣神久憑怒，旦夕必汝戕。復與新
國朝詩錄 卷二十四 鬼神 七

故鬼于汝乞酒漿，主名指某某。誰敢疑荒唐，所哀惟恐
後覩縷。求其詳，試復計所費。大抵終年糧，不能惜錢鏹。
鑄典質先衣裳，隣里助奔走。親戚封猪羊，渾舍列長筵。象
設輝朱黃，棘車及芻船。一一羅成行，轟然鼓吹作巫語。
聲琅琅，仰視魄已奪。伏地頭屢搶，須臾畢獻爵。徹俎酬
趨踰，老養爭據座。厭飫撐飢腸，婦子謹酬勸。沾漑無羹
湯，飲者或未散。病者身已僵，至死無所怨。服事悔不莊，
他日患采薪，禱賽還相望。

楚巫詞

宮鴻歷

紙錢挂樹酒盈尊，旋風陰森神下馬。一村父老趨如狂，

鬼燐神燈照平野楚巫跳跟舞且歌楚姬擊鼓兒鳴鑼
脯修蠹臺自狼藉烏鴉銜得升高柯楚俗從來畏淫鬼
絳繚神衣盡執綺一朝堂宇野火焚四壁猶存庭樹死
香案周遭長榛棘孟琰筵筓一時失天陰日暮雨淋頭
偶人猶作猙獰色

神君篇

有扶箕降仙者神其術以售其詐香既爐箕動書云天君降忽爐中如裂帛聲見金

甲神長半尺許隨香煙而上良久乃滅蓋硝焰煙火之類預置爐內人信其神而不敢疑其詐也嗟乎假神仙欺人不出於是耶李燦元

丹書元篆蟠蚪蚪六丁忙如喪家狗瑤壇夜禮香霧濃

仙人乘鸞來無蹤須臾一聲如石裂金甲神人煙裏出

國朝詩鐸

卷二十四 鬼神

八

赤電繞鞭鞭影飛膜拜競悚神君威眩人罽市幻叵測
或有識者難相欺吾聞秦皇漢武好仙術驪山茂陵葬
枯骨童男入海竟何求方士招魂徒恍惚乃知此事多
荒誣誰見凌虛羽化徒世間不朽惟名字莫學金丹學
著書

裕州觀禱雨

李紱

柳枝甃甃柳葉青結柳作壇高冥冥中有泥神吁可驚
曰孫悟空猴精靈神或附人稱馬子驚愚駭俗走相使
鳴金伐鼓沸如市呵殿傳呼擬官吏束柳作冠垂作衣
還載柳車披柳帷旌旗翻翻書柳葉檜檜森森皆柳枝

神怪相驚作危語將恐雨行且兵至丈夫變色婦孺涕
矯誣譎張有如是大雲盛樂禮有之境內山川侯所祠
是興雲雨見百怪何乃恣逞淫祀爲敬天勤民國大事
誰宰是邦等兒戲此風相沿非一世左道惑人禁當厲
密雲漸散清風生杲杲紅日當空行泥神不語馬子醒
柳枝拋擲何縱橫對此炎炎使心痲禱者罷壇觀者退
驅車更向襄陽去聞道南陽雨霑霑

賽神行

戊申孟夏度氣流行市民賽城隍神于西
郊繼以嶽帝霍侯四門供張月盞乃止

陸奎勳

梅風吹兮作寒戶疾疾兮蟬連迓神駕兮厲壇職四封

國朝詩錄

卷二十四

鬼神

九

兮民人主醴潔兮牢豐值鷺翻兮坎擊鼓曰暘而暘兮
宜雨而雨維嶽秩兮視公籍生死兮岱宗與天齊兮漢
制崇呼神保兮前導勅炳靈兮後從霍侯行宮兮在湖
之滸輔少主兮伊周侶靖海氛兮晏如永食報兮斯土
神之來兮威福憑婦孺膜拜兮觀者傾城晴似霧兮然
鼎宵晝晝兮懸燈結綵山兮綺閣黃金裝兮珠絡比玉
雪兮嬌嬰飄長袖兮戍削月關異兮日爭新羅海錯兮
供山珍際時詘兮豪舉羞不信兮俗貧緬楚黔兮尙巫
鬼九歌宣揚兮自屈始雲中有君兮不遺帝子滿堂目
成兮拳蘭佩芷懲三風兮十愆酣歌舞兮恣遊盤蹲虎

豹兮九關爲我告皇乾兮民力殫雞犬得甯兮災疫罔
干胥沐浴兮 聖澤無忘兮稼穡之艱難

賽神行

戊申初夏湖民染時疫好事者倡驅厲之說糜費萬金一月乃止歎其紛奢而作詩

張雲錦

薰風吹柳春已酣家家臥病同吳蠶市魁好事欲驅厲
神道設教威靈覃一呼而諾千百人爐香如霧燭如薪
計戶斂錢徧婦豎金玉綺羅備陳貯巡部觀瞻駭十方
獄曹變相鬼卒舞鑿仗傳呼隊隊來龍旂豹尾駐行臺
銅鉦震天鼓殷地節宣氣候陽和回誰家妙手善妝束
玉雪嬌嬰上臺閣簪組鬚眉肖宛然美人一笑掀珠箔

國朝詩錄

卷二十四

鬼神

十

綵繒錦障何陸離神之來兮羅珍奇汝州花蠶荆山玉
青綠寶鼎黃金卮巫師跳後黎圍唱夾道懸燈鬪新樣
雜沓遊人如蟻旋紙雷煙火連雲放村農亟把鴨頭巖
孳婦攜兒入城市斗城條爾增萬戶富者開筵貧者沮
酒食兼旬未具充木棉暗典青襦袴千人捨役崩角度
百餅兼金頃刻完當湖一月賽神用耗卻貧家糧十年

苗祭神

懲淫祀也

朱頌

沙羅鐘其鳴銅鼓坎其鼓雜沓召巫覡續紛飾貓虎束
腰垂紅巾齊頭裹青組野獠擲叉跳洞猺掉臂舞雄猛
作將軍鬚鬚跪翁姥村女花綴釵山童草纏股紙旗曳

質管瓦缶羅醬菡喧笑獻豕頭繸絳焚雞羽香煙鬱紫
雲符水灑白雨侏儻語難聽醉飽神或吐我聞教民俗
祭法必師古容貌肅衣冠揖讓嚴步武齋戒慎語言馨
潔陳酒脯致敬無敢褻降福斯有主非類必不諛失禮
非所取溘藻羞王公蕘桴迓田祖安得洗蠻煙采入幽
風譜

鮑臯捨身行見婦女門

上方山詩

山舊有淫祠五郎廟愚氓謹事之湯潛庵先生撫吳日親詣此山仆其像投爐

湖中民惑稍解近聞復有祀者心王會汾用闕然爲道湯公事以諗邢伯

葑溪走笠澤支港百重繞風土號清美窮年無旱潦霜

國朝詩鐸

卷二十四

鬼神

七

苞洞庭橘香箸滬谿醪水豐凌蓮芡陸有杭稔稻居人
厭魚菽禮賂陋榛穰西南峯伍伍蒼崖映白鳥東上曰
上方雲水相媚好叢祠起何年五郎娟且狡饕淫迨子
女性幣走翁媪常時度絲管夜火照林杪巫覡憑其奸
紛紜遞昏曉或云洪武初禡師親醮禱血食許恣竊瞽
說久相勦得非中葉後士氣競嫖燒政頗苛惡作人餒
淫昏飽英英睢陽公直氣排秋昊羣妖悉破碎義烈日
杲杲男耕女織紅少壯無嗟天邦人爭涕淚微管幾蠻
獠迨公騎箕去理行尙端好後三十年來巫風進稍稍
念此心煩紆負痛若疽癩我欲呵雷公徑須煩電掃作

詩論那伯俗化事無小從令泥在鈞示民期不佻聰明
歸正直夷愉絕驚擾用心功過外昔賢行可紹朱墨徒
紛拏吏能安足了

大巫歌

楊泰

大巫搖頭鬢花彈小巫向空口侈哆入門作態致張皇
家鬼不如野鬼大牲牢酒醴黍稷馨棗栗餼餽雜蔬果
紙錢甲馬煙騰空神之來兮巫許可吳俗尙鬼好淫祀
禱祈迎賽疲愚悞烏虜醫和巫臯不復見小技無傳甚
么麼賣田鬻宅償欠逋不顧一朝家產破

女巫

沈德潛

國朝詩錄

卷二十四

鬼神

七

愚民好事鬼性命託女巫女巫昏夜至披髮當筵趨神
絃奏神鼓吞刀復吐火紙錢窸窣鳴旋風入窗戶巫言
神君來絳纛驂赤狸巫言將軍來鞫髀懸纍纍巫言夫
人來冠帔紛陸離山魃寒狐輩臙臙軒車隨澆酒薦血
肉滿案堆如山遙見雲霧中隱隱欵杯盤巫傳衆神命
神君大歡喜豈獨疾病消吉慶更福汝女巫厲錢帛笑
語忙出門女巫乍出門翦紙悲招魂

神君曲

又

荒祠入夜神鼓鳴神君騎馬空中行神馬降處霜花青
女巫通神作神語鸞車今夜迎神女祀神不虔衆當死

我爲汝祈神怒汝神帷開處散蒸肴陰氣著人森寒毛
雄鷄一聲天欲高旋風吹馬上神樹老鷓啞啞銜肉去

迎神歎

吳森

街頭金鼓聲錚鏦婦豎奔駭車鬪風迎神神出嬉巷陌
前遮後擁牙旗紅巫覡橐肥神醉止里老洗刀猪羊空
夜半前村虎捉人呼號訴神神不聞

驅巫

蔣士銓

巫覡紛紛行鬼教可憐不遇西門豹呵神叱鬼啼復笑
病者驚疑醫莫效東隣夜半擊巫鼓擾我酣眠魂夢苦
披衣踏月登隣堂妻孥含泣翁臥牀老巫搖頭作神語
國朝詩鐸 卷二十四 鬼神 三

手持龍角呪白虎猙獰怪神數層雜以淫娃真可惜
木鸞金帖隱旗幟高燕木命符牌燈我裂神像付一炬
腳踐餘灰折弓弩吹燈罵巫巫疾走賓客循牆皆舌吐
巫神巫鬼紛竄逐明晨病者起食粥胡生楷爲作驅巫
詩三日傳誦城鄉知前聞太守召巫召已魂鼓樂送巫
歸廟門吁嗟乎妖由人興胡不聞

國原張打邪 懲妖巫也爲國原吏目張傳心作又

龍神不聽風雷使卻聽馬甲作行止秦人不知繁露法
手布甘霖憑馬甲馬甲本是無賴人吞刀吐火作龍神
妖由人興事竟有風伯雨師歸一身州囚脫械來行雨

公粹禽之加筆楚笑縛乖龍四十鞭龍神逃竄囚無語
官乃登壇默致詞眞龍滿天雨淋漓邪不勝正馬甲散
官能打邪百姓歎君不見西門沈巫河伯鰥吏目乃是
打邪官

紗箱歌

鄉俗中元節設楮陌冥衣祭畢燎之已嫁
女父母亡翦紙爲厨籠紗具百物名紗箱

孟超然

七月十五中元節孟蘭勝會琳宮設施食壇高鬼火青
搖鈴插鼓聲鳴咽街前街後送紗箱云是女兒孝思切
四條柱作碧紗幙三層架護紅羅纈有袍有笏有冠帶
或輿或馬或筐篋排衙器仗列威儀居室錢刀到瑣屑
國朝詩錄 卷二十四 鬼神

望去眞愁五色迷擊來細數千絲結有牲在俎酒在壺
瓜藕堆盤照冰雪買得朱書變幻符神醉止兮俎未徹
童子相呼燒紙衣紗箱一例洪爐藝尋思鄉俗有由來
嫁女不惜傾金穴綺羅釵釧迄器皿倒篋傾箱無一缺
異時欲報耶孃恩賴此紗箱資冥業生前冠帶未曾看
死後紙衣空補綴君不見街前街後送紗箱屋裏停棺
仍不絕死人不得歸黃泉紙灰紅帶啼鵲血。

淺淺子紀事

龔景瀚

平涼府之北距城七十里兩山夾一溝地名淺淺子周
迴百餘頃其中皆積水傳聞廿年前峽口山初坳壅水

匯深潭幽暗不見底是夕潭有聲一夜吼不止從茲長
怪物聚族居於是每當夏雷鳴輒有妖雲起白雲布空
中散漫及遠邇大雷如盤孟小雷如桃李高禾皆摧折
弱植亦披靡可憐終歲勞徒灑一日涕租稅既無出衣
食更何以去年害尤烈人畜或傷死至今東北鄉十室
九如洗始余聞是言頗疑非常理風雷各有司降福豈
在彼乃茲訪輿論兼復考書史厯厯皆有徵衆說如一
軌作文告城隍縷陳原委首言民困窮此日宜安救
中言天子聖法不容奸宄終言神聰明捍禦民所恃
猶恐隔幽明或未達意旨三日齋沐浴六往勤拜跪五
國朝詩鐸

卷二十四 鬼神

五

月初八告祠薦牲醴屬屬如有聞仿佛具鞭弭凌晨
集吏民移檄調兵士大礮間長鎗強弓兼毒矢成敗逆
不計咎殃甘如醴誓將活萬民義不顧一己行行至中
途父老環跪俟請官且回車怪物已他徙昨宵潭有聲
聲與前相似狂風忽大作眯目不容視滾滾向東南陰
若有驅使聞之不敢信輕騎至涯溪凹山氣若喪一水
清如泚因令具畚鍤聊復開山背十年鑿不通頃刻流
若駛始信神有靈寸衷交懼喜今茲麥豆收野積如櫛
比秋成知可期微神不及此降祉告吾民無忘春秋祀

匠人來築臺觀運甕磨輒二年半匠人朝不來太保行
相催廟中夜掣銀鐺鎖廟令大呼神怒我軀稜金爵高
刺天一臺築就十萬錢鵝肥牲喧紙爆天平明蓋神廟
明神坐中央廟令羣趨踰布商米估爭解囊解囊來記
誰某貧人錢落富人手布五尺米一斗入市嗷嗷求速
售一貫蚨錢九十九富人萬金賤如粟貧人一錢惜如
玉拙得貧兒手內錢施向神祠種神福九級階十丈廊
裁金嵌碧光熒煌土馬泥人立階肥夜聲啾啾衆鬼喜
廣廈萬間有如此何不移來庇寒士

國朝詩錄

卷二十四

鬼神

十六

路引篇

舊傳陣亡將上凡軍事未竣其魂氣不能
先歸故土凱旋時須焚給路引如官符然

茲當撤兵大將軍令爲
文以祭因作歌紀其事

楊揆

歲次壬子維月在酉三軍鼓舞奏凱歸番民夾道載拜
稽首綏我邊土胥藉戰勝功感且不朽解一旌旗何穆

穆征騎趨趨將軍下令告將士曰惟余馬首是瞻解二

橐爾弓戢爾矢詰朝成行萬踵咸跂有生再生喜極

而涕解三詰朝欲行夜不眠連營鼓角聲闐闐三更月

黑起瘴煙陰風蕭瑟豎人毛髮吹盤旋是胡爲乎心惻

然解四迺詢軍吏軍吏前致辭三軍奏凱歸有時向聞

生者歸未得死者不敢歸風啼雨泣恐是強魂毅魄之

所爲吁嗟乎噫歎解五王師于來汝賈其勇斬將奪旗

義不旋踵。暴骨原野。身輕恩重。六 纍纍戰骨。血未乾。

經秋雨洗。金瘡寒。青燐飄泊。天漫漫。望鄉不到。摧心肝。

七 豺狼猶信。鋸牙鉤爪。甘人肉。以爲飽。汝奚不歸。縈

此蔓草云。墮九幽。昏暗無所告。非奉將軍符。不得拔苦

惱。八 是耶非耶。不可知。壯士涕泗同。漣漣將軍起。歎

息。謂宜急喚。巫陽翦紙爲招之。九 吹蘆笳。酌竹醕。左

陳餽。餽右薦。粗糲流沙千里。不可以久居。解脫罣礙人

天上下。隨所如。顧戀骸骨甯非愚。十 予汝路引挈。汝

行斷槍折戟。徒縱橫山川。神祇毋或稽。汝程一紙。謂足

通幽冥。十一 山深深。石皓皓。醜酒臨風。天欲曉。萬馬

國朝詩鐸 卷二十四 鬼神 七

回鞭度林杪。魂兮歸來。胡不早。十二 君恩恤汝。孥官

騎弔汝。盧揚靈旗。分乘雲車。隨我部伍。各返鄉曲。毋踟

躑。嗟我戰士。其鑒諸。十三

龍燈行

顧敏恆

孟冬之交。九月尾。井邑洶洶。羣言訛。具曰有鬼。鬼爲厲

簸揚毒。燄相噓。呵株連。蔓及八九。病親故。裹足愁。經過

賣田質。子市魚肉。盈筐蔬果。紛駢羅。迎神拜跪。走巫覡

欲以默。相回沈疴。周官方相救。民疾呵。禁不祥。揮盾戈

愚民不復見。古禮乃以嬉。戲爲鄉儺。闐然金鼓。騰龍出

頭角。突兀形。委蛇盤旋。左右掉。修尾填街。溢巷來奔。波

聖朝幽明慎職守百靈坐鎮綏江河大驅魑魅屏荒裔
詎有跋扈蒙譴訶青天高高日杲杲跳梁曷暎理則那

杭城賽神會

五月十六日

宋鳴琦

火雲行空日亭午雄鎮樓前擊鼙鼓傾城士女走若狂
神衛森陳儼官府一人前導擊朱牌斗印全銜細字排
居然玉簡金繩式無異三槐九棘偕旗槍標展來中鎮
鞞鞬弓刀肅堅陣是誰姓氏作衙官咸知刁斗嚴軍令
金光晃射霏雲衣天風馥郁吹芳馥明靈都水三江使
奮迅哪吒入臂威對對驍驍態超越華輓浮軒行蹀躞
連鑣爭看羽林郎騁駿何殊隴頭傑綵繒聯綴圍寶鑪

國朝詩鐸

卷二十四

鬼神

七

鼇山負戴惟一夫盤旋故作柘枝舞狡獪詎讓波斯胡
就中奇特稱未有十丈長旛搏隻手弄潮妙技得未曾
隨身竿木應無偶紛紜百戲難具陳摩肩頂踵人上入
裝成畫虎屠龍樣依舊嬰兒姪女身喬妝弱息耽遊戲
兩木支撐足離地若擬凌波便欲仙偏教揮扇皆如意
仙童縹緲下蓬萊翠袖明璫一色裁耳邊細樂雲歌奏
眼底涼颺鶴馭迴須臾獵騎衝塵起稍響弓鳴若流水
容服都誇麗且妍輿徒競獻多而旨孰把人曹換地曹
鎮鐺被體形悲號若無窳罕蛇躡異底用曹瞞羯鼓操
市聲雜沓通衢下百工居肆疑真假擔簦負販理行勝

盡是江湖趁墟者忽聞鉦鼓喧隆隆之而拏攫游羣龍
赤帶騰身作霖雨蒼鱗矯首蟠虬松剎那見首不見尾
載得冥頑一車鬼歡呼雷動神駕來英姿颯爽諸魔靡
曜靈西頰結璘出火樹星橋鬪殘日十門偏踏香塵飛
寶炬琉璃漾璇碧有人發願懸明燈瓔珞千頭兩臂勝
終朝自信膚堪剝到此方知物或憑我聞功德在民則
祀之鄉讎古禮豈以游戲爲繁華若此毋乃金錢糜漫
歌巫覡迎神曲試補軒訪俗詩

乙巳六月書事

劉鳳誥

江鄉好鬼兼好巫土風不與荆楚殊天中節過喝暑徂

國朝詩鐸

卷二十四

鬼神

五

居民疫癘氣弗蘇遂有好事闖闖徒排門競率官錢廳
富室不惜捐錙銖貧家典鬻搜簪襦倡言羽士齋筵鋪
醮請預免旱疾虔鬻槲鼓喧街衢大擊鈴鉞吹笙竿
旗纛羽衛爭前驅金輿舛軋迎神趨雄毅勦古將軍呼
暫少者郎容者姑紙人竹馬手執俱龍舟尾後雙夾扶
采棚燈戲窮笑娛道流誕怪爲神訣降神十日忘晨晡
村風效尤耳目濡昇神出入城廂隅走聚童孺攢妖姝
十五五騰謹呼神絃一散寂若無安居祈號誠何須
但聞病者仍嗟吁不務其義傳曰誣昏越求福民則愚
東隣老翁垂白鬚出語動足愛凡夫謂今炎夏澤偶枯

鬱及腑臟淫肌膚旱越一死羣崇誅禁令須發郡縣符
亟懲壞俗非拘迂一日之費萬口舖盡惜物力如金珠
社田膜臘供神腴保汝壽富歡妻孥赤日被舞何爲乎

賽神會

顧敬恂

絲竹聲滿堂木偶不解歡錦繡衣滿身木偶不解寒寶
殿連雲起金碧高巉岬日暮賽神會并邑何喧闐前驅
盛珍麗遊人夾道觀縱金伐大鼓絡繹出廟門霓旌何
搖曳芝蓋如飄雲隊隊鵲尾爐獸炭香氤氳四角垂瓔
珞珍珠一一穿團欒雀羽扇婀娜鳳子旛鼓吹相追隨
清音激雲端市中簇仗齊寂靜無敢喧黃紙斜封敕馬

國朝詩鐸

卷二十四

鬼神

三

上七寶鞭穩昇沈香輿廟貌何巍然日盡繼以燭華燈
尙蟬聯翡翠琉璃蓋絡索垂青蓮但誇器物麗遠計財
帛艱入廟更排班廟令自居尊何以犒執事請徹堂上
筵何以肥囊橐請捐里巷錢牲牲何膺肥廟令恣飽餐
土木豈有知感此爲長歎

端公謠

趙雷生

周官設男巫招弭兼堂贈端公胡爲乎曰能揣疾病其
法以鷄卵週身轉不定剖而視其黃所言輒相應閭里
愚夫婦敬之如神聖結徒或五六村寨爭延請傀儡互
登場喧闐間鐘磬以茲驅鬼厲自詡無不勝是公名曰

端得勿類邪徑况逢全盛日百神稟 皇命衽席登萬
民何爲惑無證此間本鬼方導之在以正

杭城賽神

梁玉繩

江城五月多炎燄溽暑熏蒸癘所伏一國之人走若狂
歲歲迎神事毆逐鑊鼓聲喧列畫旗雲仙導引乘丹轂
府史分曹半孺童篋輿坐擁司文牘執戟郎趨武衛森
華裯吏捧衣冠肅亦有行厨備綺筵玉盃象箸紛肴藪
繡蓋新張色樣鮮珊瑚翡翠圍文殼大纛高牙取次舉
朱幡十丈連雲矗寶鼎龍文健獨扛衆中賈勇誇賁育
負戴嬰兒百戲陳隨身傀儡持竿木或崩厥角稽首齊
國朝詩錄

卷二十四

鬼神

三

千夫頂禮偕匍匐或支雙臂蠱鉤懸香爇旃檀燎肌肉
左右威驚對簿嚴于思睥目瞞其腹小部笙歌入耳清
兩行宮監移絲竹舞袖輕裾接媵嬌氤氳夾道爐煙馥
迤邐傳呼仙仗來神容睟穆臨黃屋媚神惟欲逐神床
疾疫潛除還降福我聞神異本天生照夜光芒下魁宿
但修明德神所歆底用奔忙恃巫祝。

年來里中賽神事事競勝較十年前費已百倍感
而賦此時七月中元節也 洪亮吉

令節尋常事奢風幾歲開綺羅裁幟翠金玉裹輿僮神
豈餘威及人爭罄產來徒充里胥橐一日醉三回。

迎神謳

石韞玉

粵人好鬼楚人好巫吳人迎神觀者塞途朱旂旆圖
豺豕弓刀千騎擁武夫黃羅爲繳九曲柄二四健者昇
綵輿美男兩行洗馬驅絳屑綠鬢嬌如姝此隊行裝最
俏僻短後之衣雙窄袂亦有鹵簿行康衢辟人于道聲
傳呼金字如斗署僞爵王侯將相信筆書輝煌滿路旂
旒旗綵絲金縷蟠躍瑜提攜傀儡若兒戲詭云朝覲之
元都傾城士女如風馳交鈿接烏出里閭金錢壽神曰
天餉倒篋不惜千緡輸問神正直聰明無遭此戲弄不
少詛毋乃淫昏之鬼乎偶憑土木殃羣愚。

國朝詩鐸

卷二十四

鬼神

三

里巫行

凌廷堪

巫鼓一擊靈旗開踏雲天馬從天來神絃再調萬靈塞
金支翠羽紛如織爭言神來人莫覩老巫傴僂代神語
刈穀多晴種多雨神鑿汝誠當佑汝數言未畢男婦欣
呼兒酌酒酬謝神神歸無聲山悄悄家家殺雞供巫飽
巫飽日暮攜錢歸前村後村蝗亂飛。

橫浦

樂府打老虎

譏信巫也

吳照

嗚嗚吹角雜鐃鼓夜半喊聲打老虎老虎不是山中獸
病者呻吟牀蓐苦握粟出卜卦象凶太歲冲犯鬼有五
是宜禳解宜驅除况兼冒觸竈神怒大巫昂然先入門

小巫荷擔背若僂鋪陳几筵設神像諸天大帝五方主
南斗北斗兩星君一切神明雜天府降眞香焚燭滿紅
先畫朱符貼門戶令牌一聲默無言伏地追摹傳法祖
法是茅山步是禹運用元神手摩肚忽又宣科搖動鈴
忽又捻訣嘆成雨雲旌桂旗駕風輪恍兮惚兮日若覩
溫關馬趙都降壇木坊土地隨部伍齊來護法驅鬼邪
三尺木劍跳且舞紙船紙馬紙錢飛送罷諸神飽酒脯
藥不沾唇符不靈病者氣微絲斷縷吁嗟乎嶺北信巫
不信醫病人已死病不知

燒紙歌

袁壽齡

國朝詩鐸

卷二十四

鬼神

三

世間第一可怪事鬼神亦受飢寒累年年七月送紙錢
人到重泉猶嗜利金銀衣裳并宮室一身所須共一紙
深山窮谷人不到此中想亦開墟市鬼神貧富之權操
人間祖宗貧富之境隨孫子豪家紛紛債僧道堆聚如
山煙焰起老年寄庫數百萬臨終送錢布大地人世富
貴有代謝冥漠富貴無窮已古人一事有一義致死致
生非仁智神明之道惟明器報本追遠教萬世今日孝
子無忝不匱心祭葬盡禮乃在是

紙錢行

又

生民以來便有鬼三代而上原無紙蔡侯造意爲紙錢

從用乃自魏晉始。古人理帛，今燒紙，變通其法，意良美。如何鬼神視之若奇貨，往往以此爲憂喜。人事倘然有缺畧，竟向夢中索不已。田園廬舍，并衣履器用，玩好兼奴婢，化爲灰燼，終不改紙。何有靈至於此，乃知世無此鬼神。此鬼神自人心起，人心之巧奪造化，世間萬事皆如是。

跳神巫

揚州新樂府錄二首

汪坤

可攘災，可致財，鼓聲鑼聲何喧豗。酒陳几肉陳，篋鼓鑼忽斷歌聲起。嘔啞嘲嘶難爲聽，此聲不道爲神喜。楮旛颯颯吹天風，若疑若似虛無中。舊裘更作婆娑舞，神忽

國朝詩錄

卷二十四

鬼神

孟

憑之作人語，明晰禍福垂精誠。雲車風馬如有聲，噫嘻果然爾術神如此。相將請卽施諸已，可保不貧亦不死。

里巫行

袁棠

賽神會廟門，開男和女雜。還來焚香各就座，老巫語瑣瑣。昔我病將危，夢神來救我。我度世人許我證善果，惟神最靈賞罰分明。慢之者死，奉之者生。敢告衆善信，各各致誠敬。神能錫福，延爾命。排門突入一狗屠，張目向巫大叫呼。妖言惑衆千刑誅，妄論禍福尤虛誣。吾毀汝神，遂汝去。汝與汝神其奈吾言未絕條，僵蹶面死灰。口流沫，陰風颯然來。燈火翳欲滅，鬼聲隱隱人聲寂。滿

堂兀立森毛髮有婦長跪哀老巫狂夫無知望憫恤儂
願享神連夜宰猪羊月米香金不敢缺援手一救勝念
千聲佛巫變色厲聲叱汝夫觸神遭神殺何與我事相
喧聒况今神怒不可回豈有死人能再活回家火急市
棺來淨土難容凶穢骨婦悲啼衆愴懷環叩巫前共禱
祈巫之一身神所棲巫能緩頰神當霽威惡人死固不
足惜可憐此婦無罪爲鬼妻老巫一笑回陽春令婦稽
顙自訴神巫傳神語神許自新戟指書空作符錄口含
法水頻頻噴相與待良久仆者忽微呻躍起作兒拜僕
僕如癡人衆前問所以喘息聲猶吞言一青面鬼縛我
國朝詩錄

卷二十四

鬼神

壹

如雞豚有神峩冠高處坐威儀整肅無其倫謂巫實奉
吾教令便化何來爾頑民厥罪宜付阿鼻獄剉燒春磨
立化爲飛塵鐵鞭後驅索前曳足不容駐呼不聞將入
未入鄴都門忽傳神赦邀殊恩不知何以故乃得令返
魂今日始知神威尊巫言眞身罹陰譴幾莫保合掌皈
依悔不早餘生願作巫弟子仗神力懺諸苦惱禳禍災
求福田人有同情爭乞憐轉移禍福在頃刻大衆目擊
心茫然此有亡靈求薦拔彼有老病祈祝延不惜金帛
祗論後先老巫指神對衆言我且不愛錢神豈貪華筵
止因善男子善女人借此神前結善緣慈悲安忍相棄

捐荒雞叫天欲曙座客紛紛出門去狗屠夫婦獨遲留
笑向老巫索錢布

疫鬼

又

疫鬼卽災黎流離到泉路行乞久飢疲道死無墳墓骨
肉散四方孤魂焉所附同類漫相依牽連雜新故異物
有同情枵腹急含哺呼籲人不聞搏類人不顧偶逢人
氣衰字下或暫駐豈必藏禍心爲祟亦無具陰陽舒慘
分雜居易相蠹况值寒暑交時診遞傳互藥餌出庸醫
性命多自誤動稱爲鬼殺冤獄誰辨訴或者延道流考
劾還毒詛冥王哀此輩特爲弛禁錮罪在有無聞安能

國朝詩鐸

卷二十四

鬼神

五

遽收捕又或事禱祈合樂陳酒脯主人嚴拜跪盛服俟
諸阼儼然肅大賓乞兒敢下箸恩威俱失中輾轉反激
怒我今揣鬼情待之要平恕但須多作飯飢腸令飽飫
隨意焚紙鏹行李聊資助勿誦瑜伽經梵語卒難諭開
譬宜質言祭畢送之去當門縛草船江湖祝穩渡傳食
早還鄉無爲久霜露

孟蘭盆會歌

許乃濟

鑪煙四漲香濛濛齋盤絡繹輸梵宮蓮萼銜燈墮青雀
寶幢蔽日蟠金龍結束高臺凌百丈蚪文暗揭通衢榜
黃冠羽士燒朱符碧眼吳僧搗錫杖茫茫孽海招游魂

彈指恍惚開天門法鼓千聲急如雨愁燐萬點青無痕
一日千金用不足三日啾啾呼滿屋紙錢十里陰風吹
吹入高堂滅華燭嗚呼鬼神歆祀各有主胡乃享厥異
族爲但求死者知不見生者悲何如因衆力一賑窮乞
兒

武當歌

周凱

武當峩峩柱插天有眞武神棲其巔黃金爲殿玉爲宇
七十二峯相鉤連九泉灌注通沔漢入宮來往皆神仙
衝風踏雪我曾到未登絕頂心缺然聞說春風三月三
此山士女爭喧闐祈福獲福壽益壽求子生子錢得錢

國朝詩鐸

卷二十四 鬼神

五

羽流經聲徹霄漢旃檀香氣噴雲煙黃龍洞名賣藥誇神

效烏鴉得食後高鸞焚頂先拜老君廟問心獨怕靈官
鞭吁嗟乎問心獨怕靈官鞭曷不歸循爾分耕爾田酒
食跪進父母前

白石土地

在蜀棧中祈者報者輒刊一二尺許
短碑嵌山脈鱗次櫛比有幾千百

吳振棫

土地土地石其質白其謐雲霧翳神所次似聞不聞石
夜語驅逐魍魎護行旅東村暮立碣西舍晨刊碑琢者
斤鑿者椎石髓竭石骨摧人壽幾何石壽長作爲靈怪
以召殃吁嗟白石不自保路人焚香向石禱

燒燈歎

吳俗七月晦衢巷然燈殆徧謂之地燈鄉
曰肉身燈陋習不
知移易詩以喻焉

金奉堯

七月月晦夕吳俗競賽神賽神何所爲燃燈各紛紛炳
耀同白晝輝煌無黠昏資耗不可計好奇而爭新亦有
孝者愚願捐以肉身纖鈎懸其肘蠟燄騰氣氲云照阿
鼻獄以報母氏恩汝母氏何辜不隨入轉輪生養未能
報那補暉三春奈何毀遺體重傷泉臺人。

朝坊神

郭儀霄

鄉村八月朝坊神火器烈烈鑼喧闐燒檀灼蠟香滿天
童子跳躑來馬前紅袴袒腹豎兩肩刀光掠雪揚雙環

國朝詩鐸

卷二十四

鬼神

天

忽然破額開顛門淋漓碧血胸臆斑模糊口齒含語言
傳神號令無留連口嚼水椀芒稻吞里人屏息叩神恩
談災說禍然疑間割牲薦醴誰敢延須臾擁護謁名山
幃帷彩鏤珠翠填神坐其中厥腹胖壯丁肩轎翻復顛
豈有功德及吾民天高氣烈秋如焚火龍燄燄焦平田
民饑民病神罔聞

符辟惡

郭儀霄

黃冠作法舌齶翻仗劍跣足髮散肩鉦鼓烈烈雷火掀
觀者屏息罔敢喧颺颺殊篆高堂懸半夜燈青鬼闌門

閨居雜詩

陳光緒

越人多信鬼此風盛今日居喪延浮屠因鬼乃及佛釋
氏有何能云有懺悔術置親於有罪子罪先可殺近來
取悅耳簫管雜鑊鉞黃冠更狂誕上表達天闕吾徒讀
儒書觀此憤難遏伊川程夫子遺言當載筆

孟蘭盆會歌

王嘉福

荒郊月黑天雨燐紙花紅插秋原墳天涯風物變悽慄
佛會競設孟蘭盆荆楚歲時沿古俗目連救母相傳聞
香燈其縣市一圓竹竿雜貫錢千緡寸人豆馬紛翦刻
以綵畫木蠟代薪經臺高築盛佛事旒檀香氣繚氤氳
寶幡中供觀自在金杵旁立章馱神老僧嗒經俟夜靜

國朝詩鐸

卷二十四 鬼神

无

低眉卷舌聞哀呻鼓鑊鐘磬衆樂備迸作厲響招幽魂
魂之來兮恍有形灰衣窄地風旋輪鐵丸銅柱彼何道
紅男綠女斯何人酸酒澆土土氣腥卻愁一滴難沾脣
纍纍紙鏹徒爾睨生前安用山金銀我聞功德佛無量
楊枝廣洒甘露門兩年江南苦疫癘扁靈縮手難回春
豈知今歲更厄水蛟龍怒挾江湖奔漂流萬竈不知數
慘見白骨填甬淪煩冤新鬼夜深哭誰能披髮叫帝閭
蟲沙小劫俯應憫漆城蕩蕩超煙沈慈悲更祈發猛願
苦海飢溺拯斯民我歌告哀半人鬼萬燭綠炮幢幢痕

迎神曲

許乃穀

余於戊子六月遊環邑任爲文率丁胥誓於城隍神前嗣有禱祈罔不立應已丑孟夏無德蘭士民攀轅泣下且乞留於上臺余曰時降狼以禱一邑其鑿山得煤浚井得泉雨以時降狼不入境物植都活皆神庇也余何力哉且官如傳舍不克長守茲土神則祐爾邑民千百爾者一日但能事神則此心可質天地神之福爾者正未有艾也城北有厲壇地一區而無壇廟每值祀節迎神曠埜雨淋日炙心竊不安爰行捐俸建壇撰迎神曲使童子歌之以酬神佑云

雲油然兮甘澍足畦麥青兮原樹綠木棉實兮山遶屋衛金城兮調玉燭泉生斥鹵兮石炭出谷荷神力兮賜

以福思報德兮起夏屋念前此兮荒涼神今出遊兮庶

幾徜徉吏及瓜而代兮爲日不長惟神是賴兮永佑茲

鄉崇其壙兮浚其隍春秋冬兮陳臚羊清明中元小驅

國朝詩鐸 卷二十四 鬼神 三

厲鬼兮障一方善降祥兮惡降殃環水浩浩兮環山蒼

蒼靈旗彷彿兮臨於斯堂

仙姑行

又

仙姑漢人西夏時封賢覺聖光菩薩甘州府志載仙姑修道合黎山見黑河橫溢普建橋以濟行人曰橋成卽我道成日也旋投水中起坐片木而逝羣瘞之得鐵片有字曰平天仙姑因爲立廟霍票姚西征迫於虜及河得浮橋逕渡追者至見仙姑立空中橋遽陷虜憤焚廟人畜盡疫乃重建以饑焉乾祐七年李仁孝勅云哀愍此河年暴漲浮蕩人畜故以大慈悲興各建此橋蓋指仙姑靈蹟也迄今祈禱輒應邊外各部尤尸祝之歲獻羊以萬計以羊首之值爲丹糜之用起仙橋數里而遙跨於長城引河灌之去後北山闢荒地七萬畝督夫開渠引外餘於廟水患而收地利仗神力也事垂成余奉檄從之回疆畫地百畝爲廟祀產歌以紀之俟繼判斯

土者善
厥後焉

天山皓皓太古雪下爲黑水浸寒月月黑水深人徑渡
云此千秋葬金骨金骨未朽廟貌隆仙橋宛轉長城通
挑牂歲獻以萬計蒙番羗回都從風風漂搖兮颺靈旗
金支翠珮來遲遲神仙傳說徒妄爾惟有功德則祀之
建橋卻虞仁心溥生死一心救諸苦聖光賢覺錫嘉名
平天仙姑鎮西土我來展拜爲窮閭欲去水患開新渠
渠成灌田千頃腴土敦詩書農菑畝藉神力兮戴功速
神其慰兮民果腹闢地溉種奉祠事顛神永賜邊隅福
方今西域天戈揚安得神力禽封狼機槍夜落日月白
國朝詩錄 卷二十四 鬼神
功與烈士爭低昂

焰口

王文煒

懸鏡分兩柵衢路明秋星居中設高座其後圍短屏老
僧面黔色瘦頰緩攪形吾道在粒米急呪搖銅鈴紙灰
飛熠熠鬼火來熒熒吾思里巷間強半頑不靈如何委
化後翻若大夢醒鬼魂歌醉飽一判燒猙獠怪哉箏笛
耳乃從香界聽更深串繁響曲豔逾雞伶寒闥髮新沐
雜坐花冥冥中元宜野祭胡勿移郊坰

嬰淫祠

何俊

人道判男女婦以靜爲貞如何閨閣侶野祠拜神明桂

管俗尙鬼香火宵滿城爰有九娘廟紛紛薦案盛兒女
償私願姊妹結新盟相習不知非禁之反若驚適有陳
贖者營廟訴不平察言窮黨類乃盡得其情各令厥夫
子毀像拆廟楹導爾母若婦歸去織與耕

沖天王廟

姚燮

小戶烹嫩鴨大戶宰肥羊斗尺紅燭金爐香升殿來拜
沖天王上馬下馬關螺鉦羽扇繡蓋花鮮明胥長抱王
煖輿坐里役昇王街市行廟巫狂揖作王語某萬某干
索民戶大戶糶穀米小戶鬻絲紵殿角金錢積階礎保
爾年年樂安堵吁嗟乎伊誰啾啾道旁哭謂饑無食寒

國朝詩錄

卷二十四

鬼神

三

無衣居無屋曷不拜王乞王福

天餉行

又

吳俗畏神逾畏官恐益冥譴違神歡天餉之制肇何自
遵爲歲例長不刊道人絳袍七葉冠執符來自三茅壇
稽查口數造編冊量貧酌富求疵癡村坊有首里有長
各司其地催納完楮皮市價同羅紈金模銀範高堆藥
分頭齊赴社神廟稽顙焚告歡聲攢靈車隱隱天門端
華旗五丈螭虬幡眞皇撚鬚降顏色空煙迴舞雙青鸞
飲牛魚鹿迎上鑿琢玉爲俎珍珠簞燭屏華茜交紅珊
香毳百縉芙蓉博現姑鳴蠡喚陰月呪辭秘密無詭譎

武作狡獪科律遲迴抽減來觸揮籍爾家室戮爾嗣
泥犁五獄刀噴吮斯民戒懼應唯唯擔筐接踵爭囂謹
一傳萬鬪若狂醉典物警器忘衣餐道人豐頤垂兩髡
弟子執拂童司警巍峩紫館壓朱邸暮擁勺藥朝斟蘭
奈何當道瘡且昏聽其妖惑民受剝化工大造納羣有
奚資瑣細彌歎單卓哉文正毀淫祀整飭薄俗今所難
何當痛洗眞宰辱鞭龍遠吸崑崙瀾

吳淮驅疫行見疾病門

吳門新樂府

程寅錫

完神糧

國朝詩錄

卷二十四

鬼神

五

神道廟門設長櫃神道廟官當買賣鑼聲鏜鏜催四村
黃阡元寶登廟門明朝賽會上天府楮帛燒來皆阿堵
吁嗟乎官糧莫要欠欠糧受鞭笞神道愛民如愛子神
道要糧祇要紙

借陰債

陰間借債陽間用兩手空空受愚弄雞豚酒果謝神爺
年年月月利息加神爺神爺大起家君不見袖中兩箇
乾癩紙元寶賺得愚民好東道

聽宣卷

聽宣卷聽宣卷婆兒女兒上僧院婆兒要似妙莊王女

兒要似三公主吁嗟乎大千世界阿彌陀香兒燭兒一塔拖

還受生

不見借得來只見還得去何物受生沒憑據蓋庫須一千贈庫要八百惟有庫官還做得不如省卻受生錢將來買箇庫官缺

許錄紀許真人江西破賊保城事

張應昌

神功妙濟宋封旌陽真人許歷三千年靈爽佑鄉土斬

蛇滅蛟當日靖江瀾救劫庇民于今馨豆俎咸豐癸丑

粵賊至南昌圍城三月歷夏至徂暑燎原虐燄一炬滿

國朝詩錄 卷二十四 鬼神

十四

江紅糗糧軍實持久難撐拄置臣爪士竭盡心與力顯神迎駕登陴助靈武英威赫赫護 國保庶民賊斃箭

火吹落如貫雨賊徒驚竄億兆樂康甯稽顙崩角頂禮

虔婦豎迎祀神于德勝門破樓賊火箭斃于落我來豫

章距昔越七載邦人讚歎依瞻如母父今春盱江圍郡

又兩旬糧盡軍孤火烈亦莫舉圍城已破彼虜忽倒戈

吉報傳來欣躍慶安堵繼讀我友盱江一紙書乃知保

城毘寇皆神祐城南賊礮毀垣七八丈北風大起反礮

猛於虎騰煙走石向外飛過壕斷胸陷脰擊殺數百虜

翼日守城老民竹匠黃姓仆而言吾是玉隆宮中許福主統

帥神兵三千拯爾郡昔夕之風乃吾揮白羽今宵四郭

速樹許字旗吾當掃逐么麼虜一鼓其時武弁來訪未

到門千纜楊門內先已呼名示神語詰朝賊果出境遠

遁逃咸見朱袍白髯氣驚沮所獲賊三軍羣醜衆耳衆

目同赫濯聲靈昭昭在聽觀一再呵護保此危亂邦擎

天之柱乃是真鐵柱憶昔乾隆庚寅章門災以身代民

願毀祠像宇示夢道人旬日其事符紀實歌詩使者東

吳褚長洲褚筠心學士廷璋視學今日二事目擊手書

者番禹馮君我友山陰杜癸丑之事子良司無憂無荒

故老傳遺言信斯言也實惟神恃怙相傳真人上昇時

國朝詩鐸鬼神卷二十四燒香五

江西無憂天下萬壽宮前泥首矢精忱願神永永靈衛

大荒江西薄收辛酉年作後段所紀是年建

洪都府昌府事乃山陰杜君葆恬所目睹者

燒香 吳蔚光

燒香客燒香容白布髮作裙紅羅緣作幘銀鈴壓背搖

丁東鳴金打鼓雙腳赤面目如鵠形如鳩遠來聞自無

爲州一船十人又其一老僧雞頂爲香頭朝插旗行江

邊暮點燈泊江口叫宣佛號聲唵囉大家南無重稽首

煙青瓦爐灰氣涼隔船問客之何方共言九華山中有

菩薩地藏王蓮花寶座浮金光青獅白象伏兩旁面前

雙峯蠟燭長八九十月齊燒香善男信女如堵牆燒香
來燒香去手捻念珠口持素地藏王保佑我年年歲歲
一家平安有牛有羊有雞有魚有豆有麥有瓜有黍土
音嘈雜十得五付之不答黯淒楚佛生西方死西土有
力不能禍福汝汝家活佛翁與嫗望汝歸兮立而俛

拜香婦

汪坤

拜香婦拜香去功德山前宵達曙何辭蔓草行多露短
袖單衫結束輕長途細喘聞嬌鶯揚州此俗相沿久六
月年年逢十九道上金生步步蓮。陌頭春困纖纖柳消
魂茉莉香偏好。宜人風月知多少。夜度還疑北里娘蛇
國朝詩鐸 卷二十四 燒香 三

拜香歌

朱實發

三步一拜香影紅五步一拜香裊風新城舊城路十里
拜徧南北仍西東時屆六月苦炎熱額爛頭焦膚燥裂
流汗如雨欲成血此苦難向菩薩說中有一人事更奇
徧體肉皆鈎鈎之鈎上掛香如盤螭祇留兩手相撐支
彼何爲者我不知問之云報阿母慈旁有識者聞之嘻
此子曾將阿母答拜香歸去敲外戶阿母聞聲色無主
望見阿母氣如虎今日辛苦皆爲汝

進香謠

黃承吉

六月十八功德山萬人焚香光燭天杳來如霧去如煙
或乘輿馬或趁船徒行晝夜趺累連或披青襦跣而前
三步兩步跪拜虔一人一導紅燈然鎗鎗鎗鎗鎗鼓喧
揚幡飛蓋迭後先佞男童女著兩肩縷金絡綵霏珠鈿
雲流電激隨花鬘紛紛遊騎錦鞍鴨晨覺往來綯塞川
一舟價值一萬錢是日雜犴舟盈千前船槳著後艇舫
波中蕩漾相迴旋新聲曼曲來無邊火樹輝煥龍纏聯
十里五里觀駢闐漿酒霍肉極肆筵翩如飛鴻矯如鳶
終宵得意不肯還意謂此樂終千年亦有琴彈三峽泉
國朝詩鐸

卷二十四

燒香

七

湖中靜女歌採蓮中流一棹去若仙深林獨往聽鳴蟬
飄飄寂坐心悠然中天一月獨自懸轉看淨界虛無間
色聲香味何因緣如是塵世相率牽一切可愛胥棄捐
聳身直到靈巖巔

戒殺

和東坡岐亭勸戒殺詩二首

程嘉燧

宰割性命軀烹噉膏膾汁嗜欲逐羶腥如以水就溼衆
生造殺業果報自招得人死復爲羊佛戒此甚急豪門
榜殺戒繞市收鷺鴨萬錢衆指揮兩耳白遮窻不見屠
沽林哀號日流赤雖云五淨肉不礙淨業白酬償恐不

兔毛角出冠幘。食肉乃食人。此理宜悲泣。况茲水陸產。
甘芳豈云缺。果茹充伊蒲。亦可羞上客。堅持清淨戒。普
願洗結集。

餓鬼咽火燃。洋銅迸鐵汁。一聞設淨戒。遂受甘露溼。若
人求解脫。非戒不可得。是如少水魚。救燃頭最急。姑援
羊易。牛月攘一雞。鴨尚循有漏。因終怙無明。累當護淨。
摩尼遠。未自免。赤當止。妙吉祥。空虛自生白。慘毒回慈。
悲髮鉗。化巾幘。永無相吞啖。何用遽悲泣。宿障自屏除。
戒珠元不缺。若人三緣斷。是出三界客。非遵決定誨。何
白離苦集。

國朝詩鐸

卷二十四

戒殺

三

西北罹兵難。千里塗血汗。東南汜小康。尚思避燥溼。同
此劫運中。幸免何以得。風氣感生殺。報應分緩急。一爲
机。上肉剝斫等雞鴨。一如幕上燕炎暑。傍巢羃北人。逞
射獵。狐兔膏野赤。吳地倡放生。魚鳥江湖白。不見畿甸
郊。虔劉盡冠幘。忠臣百口殉。官家九重泣。當此兵難熾。
殺戒豈容缺。心爲大慈父。永無遇暴客。卽入軍陣中所。
在吉祥集。

悲野雀

沂州人捕雀爲業作詩示之

施閏章

枌榆繁羽族。瑣細無定名。所謀非稻粱。不與雞鶩爭。張
羅始何日。遂使風俗成。機發盡平覆。一羅殲羣生。持此

飲啄具充君鼎俎烹苦慙託體微不足一杯羹同類爲
啾啾失侶長哀鳴君輟筵上箸請聽簷外聲

悲老牛

又

老牛躑躅心悲酸上嶺下嶺走新安新安諸嶺石齒齒
淚盡蹄穿鞭未已吁嗟力不勝驅使行行入肆充甘旨
此邦百萬多豪家炊金饌玉紛如麻一嚮不備亦何憾
相沿成俗無咨嗟君不見黃衣入夢語爭傳又不見救
母藏刀尤可憐殺業相尋緣食肉爾有大功人不錄昔
時力盡爲君耕今時忍棄供鼎烹不辭刀俎吞聲泣請
君看取盤中粒

國朝詩錄

卷二十四

戒殺

三

長齋歌

王士祿

我從憂患來每食惟茹素敢希次道佛此事蓋有故念
我與四生各是生機寓置身砧几竊呼天苦無路茲意
渠所同甯不軫羣趣那須介葛盧方解穰牛訴烹葵噉
藜羹吾腹亦可飮胡取恣炮炙冥然不相顧一人戒饗
餐萬物息憂懼所抱區區心詎止吐吾哺尚欲告哲人
罷此岐漁具鉅脯與糖蟹居士毋乃誤

和東坡岐亭戒殺詩四首

嚴我斯

舉世如青蠅營營求肉汁亦復如枯魚吐沫安能溼循
環俄頃間孰失而孰得念此發深省憾憾中腸急昔聞

天隨子欄中養鬪鴨鳴能作人語一切同覆幕堂上張
華筵厨中刀俎赤不見長城邊戰骨如林白我命同爾
命但少頭上幘驚麀顧母悲哀猿抱子泣物情豈無知
天網不少缺感涕書之神敬告堂前容君子遠殺機道
心日以集

余性寡所嗜終朝弄墨汁晨雨打窗楹破屋經旬溼飽
食據繩牀閒居無一得坐對此茫茫百感來何急清池
戲羣鷺沙堤睡乳鴨物各安所生世眼自蒙褰街頭尺
半魚掉尾籃中赤何如翦園蔬矮黃菜菜與韭白鄰家貰
濁醪陶然一岸幘我醉作長歌憂來可當泣人生如顧

國朝詩錄

卷二十四 戒殺

四

兔一月一盈缺草草百年中孰者爲主客持此淡泊心
高齋日可集

人生鐘鼎貴徒誇禁鬻汁時時封肥鮮僅博寸喉溼豈
知貧家兒食齋苦亦得所養有大小曾不知緩急何曾
食萬錢不數鵝與鴨柳玼不二羹蔬食安用幕二公身
名殊較若黑與赤閒居俯仰餘斗室生虛白羨彼祝雞
翁粥粥呼絳幘朝聞南舍歌夕聽西隣泣浮生本何常
過分卽爲缺蓬門常不關每來不速客爲君釀松花共
讀香山集

抱膝坐南樓花羹供茗汁旭日照晴湖煙樹迷矇溼眼

前飛躍多此樂了可得少陵解縛雞憐彼喧爭急東野
游戲人竹枝聊射鴨羣物得所歸世網任如霧湖邊老
漁翁蓬頭雙腳赤呼來買魚蝦柳穿時裏白名魚投之清
冷淵鼓掌忽墮憤因憶疇昔夢郭索釜中泣侵晨果見
之呼童擲壕缺我無佞佛心慎勿語癡客所願同心人
白社時來集往子夢蟹匡數十乞命湯釜中
早見一筐如夢中因斷此種

戒殺歌

彭定求

我生夙世山澤臞茹芝餌尤依丹鑪無端一念墮塵濁
人間臭帑紛相汙猶幸弱齡半齋食隱隱舊夢煙霞孤
偶然置身鼎俎側鼓鐘空爲爰居娛游歷幽憂更猛省
國朝詩錄 卷二十四 戒殺

四

道在藜藿良非誣躊躇入山願未遂或愁衰病蔬腸枯
枯魚乾肉佐飽飯食筭一例肥熏無徐無鬼已厭蔥韭
盧懷慎但蒸葷盧未忍肥嚼稻田雀不須生斫蓴江鱸
蛙當鼓吹憐就捕蛤現梵相悲遭刳人言釣弋聖弗廢
五辛具戒非吾儒要知疏水本常味推廣仁術由庖厨
逢著便喫誤人語漫作達觀嗤拘拘冤銜刀几了不畏
萬錢一箸供羶腴賤子自知福命薄斂手敬謝郇公徒
君不見受羊李相崖州逝啗牛杜叟方田俎富貴貧賤
均一概老饕之賦何爲乎

和東坡岐亭戒殺詩

二首
錄一

尤侗

衆人溺於口譬如蠅嗜汁挾彈逐黃雀不知衣露溼天
道本神明獨殺豈可得盤餐何雍容誰念銜刀急嘗笑
孟東野食齋猶射鴨不思人與物同游在覆幕一朝解
十牛慘於渭水赤提網魴尾赭彎弓烏頭白可憐鶴投
毛忍見雞墮憤君聽釜中聲游魂繞湯泣試問萬錢翁
箸下尙何缺我有咄嗟粥以供倉卒容鼓腹且行歌目
送飛鴻集

義魚謠

金張

捕魚獨嗟法網密匪夷所思思不及更有舉義是酷刑
直使枯魚過河泣義製排列如利齒倒豎鉤連入骨髓

國朝詩錄

卷二十四

戒殺

望

揚髻鼓鬣血漂流苦哉不生又不死入義之痛猶較可
出義之痛痛殺我數畧尙然不入池誰作俑者地獄墮
丁山河口朱老翁自誇得雋窺魚缸偶然信手無虛發
豈但絕叫尺鯉雙尋常背坐載義出竿餘船尾義身側
甯料後船狹路窄撞義刺腿有大力號呼欲絕屢一慟
姑息把義不許動進時容易出時難今日纔知魚負痛

歲晚古詩

又

抵租一雄雞文哉美羽儀入門無死理向有此語凡贈遺鱗介之微亦
放舊誓天久知獻神僅魚肉亦足申其祊誠全物不備
未必便吐之嗜嗜試半夜隣舍聲唱隨殘歷行漸少此

聲聽漸稀獨逃劫數外判然禍福移

朝聞

陸洽原

朝聞屠市聲正哀暮聞華堂歌吹開朝聞暮聞日未歇
生死哀樂何紛哉華堂盛寶客豪貴多赫奕五侯盤餐
競珍怪一食萬錢猶不惜易牙調鼎伊尹烹割飢割肉
霜刀輕丹椒紫蘭芍藥醬煎熬騰臠辛酸平主人爲客
薦嘉旨東方欲白歡未已絲管嘈嘈鼓田田喧聞南隣
與北里不知屠肆鼓刀人剛向重關逐羣豕死聲蹙縮
叫欲絕偏與歌聲同入耳

放魚歌

錢肇修

國朝詩錄

卷二十四

戒殺

望

小奚攜錢入城市買得擔頭雙赤鯉鱗摧髻脫不得死
有時對人還躍起庖人霍霍磨霜刀主人顧之心煩勞
物命當爲天愛惜豈俛他日身相遭神物從來多困抑
市上真龍人不識須臾放入江水中霍霍秋天雲墨色
巴江觀打魚歌

張衍懿

楚人捕魚多用叉巴人捕魚兼用獺小舟驅獺疾于飛
不怕巴江水浪惡沿江張網截上流大魚小魚紛騰投
狡獺擒魚翻網出錦鱗帶血皆垂頭兩岸挺叉逐轉急
鱣魴潑刺躍舟入舟人捉尾擲艙中敗鬣殘鱗猶散戢
須臾船滿江水渾雲雷慘澹天地昏海若揚威河伯怒

暴殄物命非仁恩况今旱潦遍寰宇蒼生處處遭遘迤
吾曹何爲圖快意一朝饜食戕鮪鮪請君開網并放獺
江湖浩蕩無相吞

釋羊詩

丁副戒饋羊一羣已付屠者俄而奔蹄
原處殊可念也釋縛就畜志之以詩

戴永椿

餽歲舉鄉風蠻方之縞紵元戎辱見存投我以肥豨豕
毛黑而文厥角利若斧殿之日成羣飼之月逾五拜登
欲朵頤將以速諸父何期是物黠脫繫竄林莽捕者求
之急一躍出環堵循牆謀來踪歸仍伏圉所意本在求
生跡似同戀主卽此物情善殺機頓消附追擒請就烹
國朝詩錄 卷二十四 戒殺

四

余笑未之許年來亡羊慣所爭不在汝宥茲一命微生
意盎然善豈惟卻脂膏兼亦飭簞篋偶動不忍心夫豈
待牢補馳詩報軍門嘉惠存五殺

和岐亭戒殺詩

四首
錄二

張鵬翀

吁嗟嗜味人染指一嘗汁豈知趨殺機不異水流溼大
鈞木無私生理物其得羅張衆禽駭又挺萬魚急漫驚
仆鬼鴟肯赦能言鴨乾坤自清夷慘氣日蒙霧鑊深沸
湯煎爐熾煉炭赤取味競新奇能黃配魚白犀匙久廢
飢歡笑落中曠快我三寸喉致彼一家泣靜念疏水風
盤餐未云缺以吾不治庖待茲不速客饋至雖不足辛

免愆尤集

魚游沸鼎中烹燻化爲汁何以一蹄泔醜沫互相溼祇
緣香餌侵坐受漁父得貪生意無厭瀆死神始急磨刀
向豬羊圍柵縛鸞鴨哀哉聚而殲彌天網爲幕揣渠飢
理肥搜此銚刃赤人禽雖並生靈蠢判黑白幾希倘不
存所異特冠幘同根或相煎煮豆釜中泣至人遂物生
一補黥劓缺寄形大化間同爲逆旅客胡乃恣貪饕百
究致叢集

放羊行爲改堂先生作

陳章

雉城南去羣山荒孳生獐兔鹿與麀獵人獲羊不敢私

國朝詩鐸

卷二十四

戒殺

望

繩牽後鞭輸黃堂黃堂太守非不愛血染鸞刀家所戒
豈因口腹累先規笑謝來人餽毋再此羊偉膾如雄驥
左角屈斷右彎弓蒼毛駸駸纓胡同老翁傳說明季時
跳擲嘗見深山中太守聞之詫至夕亟修尺書走赤幘
令放幽林邃谷間我爲汝句應不惜縣令承言莫敢留
墮牢破檻如縱囚已分方爲机上肉忽然復得山中遊
焉知不是初平叱石左慈化來試仁公肯相赦歸破谿
陰石洞門仙人拍手長松下余嘗暇日讀史書塵編紀
載何事無采花飢雀有楊寶臨水放龜聞孔愉玉環金
印報自有我所太息非區區要識吳興寬大政物命猶

憐況民命

觀打魚行

沈德潛

鱗鯨門外稱水鄉今年水漲流湯湯田疇漂沒水畜盛
多魚何必占豐穰漁舟連翩破空入喧聒聲如亂鷺鴨
四圍設網中鳴榔挺義齊向船頭立江湖有路難潛逃
羣鱗未死神暗泣須臾收網動及萬滿載輕舸雙目眩
花光雪白堆如銀團聚洲渚來稗馭剖魚納鹽入魚腹
血色殷紅染沙岸中有金鯉魚尾赤雷火燒失水偶遭
罟罟制厥勢猶欲與波濤雖未成能有神氣勸君莫漫
揮雙刀將錢買魚付湍瀨激波如風去何快前途祝汝
國朝詩歸

卷二十四

戒殺

哭

慎出入禍患更須防意外過河從古泣枯魚威鳳祥麟
盡可虞危機到處皆礁俎愁煞神龍遇豫且

捕魚歎

程尙濂

大釣無空網小釣無空鉤來者成禽往者赦甯復有意
相虔劉截流而漁聖所歎况乃密網勤誅求微波涓涓
初赴壑乃以百囊之罟承其流小魚如針不盈寸么麼
僅可儕蚍蜉糾紛雜沓悉籠罩江湖咫尺皆罟罟霜鱗
一斗不可算笮管直欲盈筐收蠅頭之利曾有幾錙銖
櫛比勞爬搜鯢鮪盡取澤可竭慘徵至此真何由嗟乎
慘徵至此真何由

滄浪亭放生歌爲潘功甫作

韓 對

舍人翩翩佳公子少小席豐厚是履胡爲終歲太常齋
淡泊自甘屏肥美近且刑于化一家魚蝦不入門以裏
豈惟五戒學浮屠實本一仁及蟲蟻吾吳善緣亦多門
恤嫠掩骼堂長存獨於口腹縱貪欲刀砧七箸纏冤魂
沿街溢蒼體骸撐桂林堆案尸陀村多生惡業半坐口
下入寸喉亦何存生老病死只須臾胎卵溼化皆吾偶
舍人低眉淨眼看可憐可憫亦可醜斡旋造化非吾爭
激勸良知在善誘時維余月之廿七令節瞬當端午日
貴人豐膳佐蒲觴必倍尋常恣宰殺滄浪之水深且寬
國朝詩錄

卷二十四

放生

七

南達葑溪波翻闕於焉藉草補袂輒詢討且樂盍往觀
片紙飛來一傳百不集衆貲不速客不論潛鱗及翔羽
各隨各便攜各物滿城擔市一朝空盡入慈航普度中
法雨繽紛祇樹叢人言公現居士身煦煦乃爲婦寺仁
我謂公才不世出英雄菩薩并一人

賣牛詞

端木國瑚

朝向隴上去千犁隨身走暮向市上來千刃隨身受
既困牧兒鞭又苦屠兒手命盡主人心肉盡忍人口異日
要扶犁隴上還憶否

放生招同志用東坡岐亭詩韻

吳 鼐

羣命畢杯羹一飽求多汁奚翹草菅人酷吏方東溼春
風回枯荻生理須與得請充不忍心延此殘喘急命畜
鄭國魚看放唐亭鴨方乳矢勿發已漏網不罟亦有姥
好善食報龜眼赤亦有雀受飼來獻白環白臨池浴鷺
衣聞聽對雞憤時悟濠濮樂罔聞芒屨泣服兒芥有孫
足補給鮮缺好善誰不如廣告大羅客朝入功德林謝
者夕已集用曾魯公放生事

袁承福老翁賣牛行見田家門

放雀行用坡公岐亭詩韻家人爲放生小會作陳文述

紫琅閣寶典金壺書墨汗萬物台生氣胎卵化燥溼川

國朝詩錄 卷二十四 戒殺

哭

泳而雲飛鳶魚各自得末俗機心生束縛每太急羹臠
盡數雜曾不異鴛鴨樊籠聚千羽加以疏布纂靜坐聞
啾啾寸慈動保赤不惜青蚨青救此白翎白彷彿樂翳
奮快極輒岸憤免使湯火魂都向釜中泣放者六百餘
一一數不缺放生願得生送爾如送客他日倘相報亦

許銜環集

放牛行同前韻吳門董君个亭憫牛之有功於農而老病不得其死也集爲放牛會

得隙地於胥門日暉橋飼牛有芻宿牛有欄牧牛有人壅牛有坎其所以重農功而培仁心者甚至家大人出賃佐成之命作是詩

又

牛耕始中古種米復釀汁食報曾幾何一東生芻溼不

見太倉粟非此曷能得二月買黃犢事比水火急老病
付湯鑊宰割等雞鴨豈知大典禮太牢用中冓奈何縱
口腹不畏官符赤董君性仁慈胸懷亦坦白聞善卽起
行不暇裹冠憤技廢庖丁愁感極老農泣各勉慈悲願
庶補造化缺春意滿桃林美德歎行客農重歲必豐飛
鴻永安集

藥魚歌

周際華

藥魚歌邇來湘水絕清波大魚已死小魚多羣兒游手
無職業夜半裏衣聲相呵長鼠大網不稱意燒天炬火
星駢羅藥汁淋漓石骨損赤浪騰沸炊丹河陰風吹轉
國朝詩錄 卷二十四 戒殺

月光黑蛟奔蜃走飛靈龜可憐白小亦有命銀花翻逆
飽鴛鴦一番斷送數十萬幾番淘汰羣銷磨馮夷屏息
不敢出眞宰聞訴皆滂沱嗟乎竭澤而漁古所戒藥魚
聚殲將如何

和坡公岐亭戒殺詩

閔名世

聖人貴食精世人但嚼汁譬彼劇飲徒僅取喉間溼禁
嚙及俟鯖求之未必得亦纔一飽烹庖有底急不見
郇公厨縱橫薦鳧鴨霍霍磨刀聲殺氣紛如霧翻令玳
瑁筵慘作甲裳赤果報雖難言黑業何有白念此毒中
腸驚呼墮冠憤盈盈盤中餐哀哀釜底泣飯糗與羹藜

七箸何所缺一尊遺令辰五簋遲嘉客此樂頗無窮開
徑望來集

和坡公岐亭戒殺詩

梁齡增

衆人尚膏腴斟酌調鼎汁嗜欲日以深有如水就溼上
天德好生生趣各自得賤物何不仁生死隨緩急豈以
人爲貴藐茲鵝與鴨刀割分所應焉逃羅網幕何知苦
提心憫彼族盡赤赤族無已時此寬長不白人禽辨幾
希外貌異中憤所貴一念炯省此釜中泣菜根滋味長
給求本無缺何必羅珍羞晏然始對客用是戒貪饕哀
感心交集

國朝詩錄

卷二十四 戒殺

季

戒食牛歌

陳廣甯

老牛別主去躑躅雙淚垂君家倉中粟老牛力所爲黃
梁備宿春香稻供晨炊雖蒙豢養恩報君良不貲盛夏
烈日中桔槔灌東畜毛焦氣喘促蹄蹶行步遲鞭撻尚
不忍宰割安可施如何筋力疲鼎鑊旋及之主人力雖
衰猶願登期頤老牛獨何罪性命不自知我願世間人
對此一深思

捕魚歎

吳振棫

捕魚不用舳與舳編竹作筏何堅牢一頭貼水青拖梢
一頭縛急軒然高厥長三丈闊踰尺兩腳以外飛波濤

波濤漱石白齒齒撇漩更比挂帆駛狂呼拍手下前灘
烏鬼驚飛冷煙裏一人一筏巡百匝百筏百人圍忽合
纖鱗巨鬣無處逃日暮人聲水聲雜嗟哉竭澤古所訶
今人巧取術轉多魚兮魚兮可奈何何不舍此東入海
出沒萬里之洪波

禁屠詠

陳裴之

朝聞禁屠暮聞禁屠不屠羊豕但聞駢駢彌彌聲哀呼
朝聞開屠暮聞開屠達官有子新娶婦期會賓客供梓
壺古禮裁荒則不舉後世禁屠義有取由來造物稱好
生願乞甘霖潤禾黍鷺鴨給諫不易逢噉猪腸兒將毋
國朝詩錄 卷二十四 戒殺 至

觀毒魚

阮文藻

火織燒空水如沸游鱗吹沫柳陰避毒草投江紛竄跳
洲上腥風含藥氣前灘昏兮後灘網人雜如鳧拍水響
小魚戢戢波面浮大魚跋扈高一丈漁郎翻身沒水中
腰褭疎中赤手空須臾踏浪如梯立雙擎尺鯉掀鬚紅
不知何罪魚當死機心暗動狂波起試看古來妬清流
一朝流毒盡如此

湯國泰八勸歌賣牛農篇見茨荒總

柳樹芳苦旱吟斷屠淨河篇見旱災門

愛物

騾車謠

徐倬

捶馬勿傷面。捶騾勿傷背。傷背烏啄瘡。後日難重載。入口安貪騾。奔波騾若不行。誰能那。爲語役夫愛爾騾。

老牛歎

葉士鑑

炎炎酷日正當午。老牛車水不辭苦。骨出猶然鞭雨股。主人不恤老牛憊。只怪老牛筋力敗。夫婦誦誦商早賣。老牛代耕年已久。自問此身亦無負。但願賣牛心莫起。老牛不死耕不已。

國朝詩錄

卷二十四

愛物

五

飼羊菜

金張

羊圈在隣房。時聞蹄角觸。一日一換新。性命輕且速。忍哉爾羊屠。寸草不填腹。一刻未絕喉。空腸攪轆轤。徹夜飢號聲。宛如幼兒哭。初憫後復驚。震動牆屋。是時醜冬。蔬庭日致幾束。或要當風乾。或要趁日曝。方法製多般。嫩老市陸續。老妻遵成規。一手自舂黃葉。及老根。收拾裝滿盞。忍寒大清晨。飼羊謂小僕。亦知死須臾。死且飽。其欲斯言何。凜然勝把蘇詩讀。里人如岐亭。永可斷其肉。昔聞錢太母。慈悲有遺躅。身貴。酥肥甘。噉噉念。

窮獨更傷國，人長飢無所告。每早米作糜，分給大小
獄。屆此冬至時，決囚漸待戮。尙傳銜感聲，百身恩莫贖。
誰疑天道遠，報之計燭燭。六代入進士，至今冠邦俗。爾
我踰艾年，曾未試生育。偶然見牛心，非以妄求福。天理
所不妄，可援手肯縮。惠不論洪纖，德何分人畜。莫輕餉
羊菜，直同施監粥。

馬耕田

余於葛沽道中見一馬服轄牽犁于田間，骨高形毀，無復鬮雲追電之態，且搯策頻加而躑躅不進，爲之太息。爰賦長歌，用告世之役物者。

陳 皐

燕郊二月與農工，有馬服軛行田中。宛轉局促似不進，
夕陽影瘦如山崇。回毛在膺已無取，神駿沮喪韓盧同。
國朝詩鐸 卷二十四 愛物 五

萬里有志不得騁，四蹄空說能追風。道旁側聞聯騎過，
昂首振鬣明雙瞳。誰知牧者不釋手，控羈收勒鞭無窮。
長嘯一聲蹶耒耜，平生夙志疇能庸。噫呼噫悲哉，吾聞
錦不作，哈稍不蠶，以鳳司晨不若雞。世無通材，胡能全
用違所長，適足憐君不見馬耕田。

烹珠歎

廣州漁人烹蚌，蚌躍起三丈許，諦視之墜徑寸珠爲火所傷，作車渠色矣。余哀之爲

詩作

袁 枚

漁人烹蚌，蚌忽怒飛上青天。如欲訴須臾，明月一九沈。
滿江船戶都生怖，諦視乃是牟尼珠團團。一寸寬有餘，
可憐炤乘驚星色。已作焦桐爛梓枯，我聞珠能辟火災。

豈知火爲珠禍胎萬物各有遇不遇人世原無才不才
又聞鮫人採珠苦拋擲于夫性命取豈知費盡驅龍求
一旦混同魚目煮怪底珠猶憤氣含衝煙跋浪飛再三
玉呈楚國寃難雪劍化延津死未甘從此漁人生悔心
撈蚶不敢付釜鬻奈他堆積如山蚌一點珠光沒處尋

騾夫行

張雲璈

騾夫養騾如養兒騾飢騾渴心自知常將人語向騾語
等閒不肯鞭箠施日行百里程夜食兩斗豆人皆羨騾
肥已尙嫌騾瘦以恩酬力求無苛用力不報今何多我
願愛人如愛騾

國朝詩鐸

卷二十四 愛物

善

歸馬行

力青門仕甘肅免歸顧所乘馬曰駒已
數年舍去賣脯矣孳歸枕見者義之

宋大樽

明府忽然作馬語馬首就戮猶人苦明府有功法不誅
生隨明府歸田廬江花江草娛人老馬亦踏花復嚙草
人貧馬賤誰能憐人歌馬舞非偶然他邦赤子願爲馬
安得如此牧馬者

騾馬市謠

市在都城宣武門南每日先活市後死
市騾馬衰疲者多會集於此競起屠宰
予哀夫老盡其力而
不免湯火爰作是謠

馮培

騾馬市中日兩市晨市者活哺市死活市騾馬供鞭箠
死市騾馬鼓刀耳活市爭價昂毛骨誇騰驥圍人販夫

雜填咽此間那有真孫陽死市可哀湯鑊近尾梢剪斷
髀鏤印道旁落日氣慘悽命懸一縷如驅雞兀立欲踣
吞聲側老乞唯蓋那可得君不見錦韉珠汗驕生風干
羣蹴蹋紅塵中行行過此應躑躅愁看一跌果人腹屠
沽之手爾何酷

轅馬歎

戴熙

轅馬轅馬爾何不幸牽車泰山下泰山一何高牽車一
何勞三日上道皮肉盡瘦骨杈柯摩兩朝摩兩朝血模
糊郎當鈴鐸走長途鞭絲搖搖攘其臂車蓋一軒復一
軒攢蹄奮鬣越重岡夜半呼聲動天地山邨日落風蕭
國朝詩錄 卷二十四 愛物 蓋

走千里

質牛行

陳來泰

穀皮食盡人無糧屠牛或可充飢腸持刀向牛牛涕滂
泣告主人淚承睡今年不耕種來歲力待用捨身飽主
人牛心痛復痛主人食盡無可求餓死必以身殉牛牛
救主人難自謀穀觶不已多煩憂牛逢葛盧相告語又
逢丙吉知其故此間不少多牛翁象犀金玉滿質庫既
有子母牛不計子母錢試驅犍九十各質錢三千礪角

古城下翳草荒亭。邊邑人之災。殊可憐。禴祭之福降自天。春風吹轉綠滿田。家家贖牛左右牽。一聲牧笛歌喉圓。

鬼神補

使舟渡海天后靈感書事

周煌

海上天后甚靈。應海舟有急呼。孃媽卽速至。乾隆丙子。大司馬周文恭公。偕侍讀全魁。穆齋奉命冊封琉球。舟至姑米山。颶颶大作。觸礁幾沈。皆呼孃媽須臾一燈自遠。至遂登北岸。次年回朝。奏聞得旨。加封號字公紀。以詩。

不關潮洑水添肥。半夜人呼事已非。疾痛尋常呼父母。一時回首籲天妃。

國朝詩錄

卷二十四

鬼神補 愛物補

袁棟

鬼神篇

袁棟

鬼神事幽遠。世人多惑之。趨避或紛紜。禍福相參差。淫祀希邀澤。祝史勤禱祈。避忌乃多端。甚至蠱巫師。舉世紛狂鷺。誰能正其非。

愛物補

病馬行

林則徐

生駒不合烙官印。入阜乘黃氣先盡。千金一骨死乃知。生前誰解憐神駿。不令鏖戰臨沙場。長年驛路疲風霜。早知局促顛連有一死。恨不衝鋒突陣裏。血創夜寒。屢空月色黑。強起哀鳴苦無力。昔飢求芻恐不得。今縱得。

芻那能食圍人怒睨目猶側欲賣死皮償酒昏馬今垂
死告圍人爾之今日吾前身

國朝詩錄卷二十四終

國朝詩錄

卷二十四

鬼神補 愛物補

五



10142

Vertical text on the left side of the page, including the title '國朝詩錄' and other characters, partially obscured by the binding structure.

